

OBOR BELIA

BUKU 12

TINJAUAN PERJANJIAN BARU



Penerbitan Kristian

OBOR BELIA

Penulis: Evelyn Tan Hwee Yong

Hwee Yong telah lama berkecimpung dalam penulisan dan penterjemahan, dan telah menulis banyak buku dalam Bahasa Malaysia. Dia memperoleh M.A. Theology dari South East Asia Bible College, dan M. Human Sc. dari Universiti Islam Antarabangsa.

Penyunting: Randy Singkee

Randy banyak terlibat dalam penulisan dan penterjemahan sejak tahun 1993. Dia memperoleh B.A. (Hons) dari Universiti Malaya dan M.Sc. dalam bidang Geographical Information Systems (GIS) dari University of Edinburgh, UK.

Cetakan Pertama: Julai 2010

Penerbit : Wawasan Penabur Sdn. Bhd.
wawasan.penabur@gmail.com
Pencetak : Akitiara Corporation Sdn. Bhd.
Kulit Buku : Randy Singkee
Artis Ilustrasi : Vincent Wan

Petikan Alkitab diambil dari

Alkitab Berita Baik © 1996, Bible Society of Malaysia
Alkitab Terjemahan Baru © 1974, Lembaga Alkitab Indonesia

Hakcipta © 2010 Wawasan Penabur Sdn. Bhd.

Hak Cipta terpelihara. Tidak dibenarkan mengeluarkan ulang mana-mana bahagian artikel, ilustrasi, dan isi kandungan buku ini dalam apa jua bentuk dan dengan cara apa jua sama ada secara elektronik, fotokopi, mekanik, rakaman atau cara lain sebelum mendapat izin bertulis daripada Penerbit.

Isi Kandungan

- 1 Sebelum Anda Bermula
- 4 Mukadimah: Tinjauan Perjanjian Baru

Lembar Kerja

- 6 Sesi 1: Sekilas Pandang Perjanjian Baru
- 12 Sesi 2: Dunia Sosio-Budaya Perjanjian Baru
- 18 Sesi 3: Dunia Politik Perjanjian Baru
- 22 Sesi 4: Puncak Rancangan Allah: Injil
- 28 Sesi 5: Kehidupan Gereja Awal
- 32 Sesi 6: Surat-Surat Rasul Paulus
- 36 Sesi 7: Surat-Surat Umum
- 40 Sesi 8: Maranatha!

Panduan Pembimbing

- 47 Sesi 1
- 52 Sesi 2
- 57 Sesi 3
- 59 Sesi 4
- 63 Sesi 5
- 66 Sesi 6
- 69 Sesi 7
- 71 Sesi 8

Sebelum Anda Bermula...

Memperkenalkan **OBOR BELIA**

OBOR BELIA dituliskan sebab:

- Para belia dan muda-mudi masih mencari program yang lebih berkesan dan yang dapat memenuhi keperluan mereka.
- Para belia dan muda-mudi masih kekurangan pembelajaran sistematik yang dapat meletakkan dasar iman teguh di tengah-tengah tekanan kehidupan moden ini.
- Kebanyakan buku pemuridan tidak dituliskan menurut konteks dan masalah-masalah yang dihadapi oleh belia dan muda-mudi yang hidup sebagai umat Tuhan di negara ini.

OBOR BELIA merupakan kurikulum yang memuat kaedah-kaedah kreatif dan praktikal agar Injil dapat disampaikan sesuai dengan keperluan para belia dan muda-mudi zaman sekarang. Kurikulum ini diolah untuk generasi muda Tubuh Kristus supaya mereka mengenal iman mereka secara mendalam dan hidup setia sebagai umat Tuhan di negara ini. Kurikulum ini akan memberi anda peluang untuk berbincang, bertukaran pendapat, berdoa bersama, belajar daripada satu sama lain, dan berseronok bersama. Setelah mempelajari kurikulum ini, anda akan mengetahui bahawa menjadi seorang Kristian memang relevan, mencabar, teruja dan anda akan menemui apa yang anda kehendaki untuk kehidupan anda.

Cara Menggunakan **OBOR BELIA**

OBOR BELIA dicorakkan untuk pertemuan mingguan yang boleh digunakan di persekutuan di sekolah, rumah atau gereja. Anda juga boleh mengubahsuainya untuk kelompok kecil anda.

Siri buku ini mempunyai dua bahagian besar: Lembar Kerja dan Panduan Pembimbing yang memberi panduan dan aktiviti-aktiviti kreatif untuk topik-topik buku ini.

Panduan Pelajar terdiri daripada Kata-Kata Mutiara, Ayat Mas Alkitab, Aktiviti Bersama, Renungan Firman Tuhan, Renungan Peribadi dan Doa. Panduan Pembimbing pula mempunyai tiga aspek tambahan iaitu Objektif-Objektif Sesi, Aktiviti Pencetus Minat, Jawapan Firman

Tuhan serta kaedah ajaran yang boleh digunakan.

Pembimbing atau pemimpin kelompok harus membaca Lembar Kerja dan Panduan Pembimbing untuk memahami seluruh pelajaran ini dan cara menyelenggarakannya.

Dalam Siri Buku **OBOR BELIA** ini, anda akan menemui yang berikut:



Ayat Mas Alkitab

Ayat ini merupakan ayat yang penting dan perlu direnungi bersama kelompok anda.



Kata-Kata Mutiara

Baca bersama ahli-ahli kumpulan anda dan jelaskannya secara singkat.



Aktiviti Bersama

Bahagian ini memperkenalkan tema utama sesi ini dengan menggunakan pelbagai permainan, lakonan, kertas kerja atau cara yang menarik untuk mencetus minat para peserta.



Renungan Firman Tuhan

Bahagian di mana Firman Tuhan akan dibentang dan dibincangkan. Pelbagai aktiviti dirancang agar mereka dapat melibatkan diri dalam Firman Tuhan.



Renungan Peribadi

Bahagian ini menggabungkan cara-cara kreatif dan praktikal untuk menggalakkan mereka merenungi pelajaran hari itu serta menerapkan kebenaran yang telah dipelajari untuk kehidupan mereka, dan bukan sekedar mengetahuinya sahaja.



Doa

Pembimbing dan peserta digalakkan menutup setiap sesi dengan doa.

Untuk Pemimpin/Pembimbing

Panduan untuk memimpin dan membimbing sesi disediakan di bahagian akhir buku ini. Anda akan dibekalkan dengan nota-nota tambahan untuk setiap bahagian dalam sesi di Lembar Kerja.

	<p>Objektif-Objektif Sesi Bahagian ini menjelaskan dengan terperinci objektif-objektif sesi. Pembimbing mesti membaca objektif-objektif ini sebelum memulakan pelajaran.</p>
	<p>Pencetus Minat Mencadangkan beberapa teknik pemanasan dan pencetus minat para pelajar dengan menggunakan permainan, lakonan, dan sebagainya.</p>
	<p>Aktiviti Tambahan Aktiviti atau pelajaran tambahan yang diolah untuk memperkuatkan lagi pengajaran Alkitab atau satu pernyataan.</p>

Beberapa Panduan Berguna

* **Baca**

Baca bahagian Lembar Kerja dan Panduan Pembimbing jika anda sedang membimbing satu kelompok supaya anda boleh berfikir dan menyiapkan diri dengan mantap.

* **Doa**

Berdoa agar Tuhan memberi anda kebijaksanaan sewaktu mengendalikan topik dalam perbincangan. Jangan lupa berdoa agar Tuhan menyentuh dan mengubah kehidupan ahli-ahli kumpulan anda.

* **Persiapan**

Bahagian Renungan Firman Tuhan memerlukan paling banyak bimbingan dan ajaran daripada anda. Renungkan contoh-contoh yang dapat menolong anda menjelaskan ajaran anda dalam bahagian lain.

* **Santai & Ketawa**

Jangan terlalu serius dan kalau boleh berjenakalah sekali-sekala. Biar proses pembelajaran itu lebih berinteraksi, partisipasi dan santai.

Buku 12: Tinjauan Perjanjian Baru

Mukadimah

Tinjauan Perjanjian Baru sangat penting kerana ia melanjutkan cerita dalam Perjanjian Lama. Perjanjian Baru merupakan puncak daripada wahyu Allah kepada manusia. Nabi-nabi dalam Perjanjian Lama sudah lama menubuhkan kedatangan seorang Mesias dan dalam Perjanjian Baru, kita melihat Allah menggenapi rancangan-Nya. Perjanjian Baru memuat catatan mengenai bagaimana Tuhan menjadi manusia dan tinggal di kalangan umat Tuhan serta pertumbuhan gereja awal sehinggalah kedatangan-Nya buat kali yang kedua. Para belia juga akan diberikan kesempatan untuk meneliti siapa diri Paulus dan pendekatannya dalam penginjilan.

Tinjauan Perjanjian Baru bertujuan menolong para belia memahami tema dan penekanan kitab-kitab Perjanjian Baru. Tinjauan ini juga memperbolehkan kita melihat kesinambungan seluruh Perjanjian Baru. Dalam buku ini, tinjauan Perjanjian Baru akan menolong kita melihat gambaran besar Perjanjian Baru dan memahami tema-tema kitab-kitab dalam Perjanjian Baru.

Buku ini juga memuat latar belakang untuk menolong para belia memahami masyarakat, ekonomi mahupun kebudayaan yang wujud pada masa ini. Unsur-unsur masyarakat mahupun keadaan masyarakat juga menolong memahami Perjanjian Baru dengan lebih baik. Buku ini membandingkan keempat-empat Injil dan cara pendekatannya yang unik. Kemudian mengkaji Kisah Para Rasul tentang kelahiran dan kehidupan gereja awal serta menelusuri misi Paulus. Surat-surat Rasul Paulus, surat-surat umum akan diakhiri dengan puncaknya iaitu Kitab Wahyu. Tuhan Yesus akan datang memerintah sebagai Raja atas segala raja.

‘Dan mereka menyanyikan suatu nyanyian baru katanya: “Engkau layak menerima gulungan kitab itu dan membuka meterai-meterainya; kerana Engkau telah disembelih dan dengan darah-Mu Engkau telah membeli mereka bagi Allah dari tiap-tiap suku dan bahasa dan kaum dan bangsa. Dan Engkau telah membuat mereka menjadi suatu kerajaan, dan menjadi imam-imam bagi Allah kita, dan mereka akan memerintah sebagai raja di bumi.”’
(Wahyu 5:9-10)

**Sesi
1**

**Sekilas Pandang
Perjanjian Baru**



Lars
Johansen



Ayat Mas Alkitab

“Tetapi semua orang yang menerima-Nya diberi-Nya kuasa supaya menjadi anak-anak Allah, iaitu mereka yang percaya dalam nama-Nya.” (Yohanes 1:12)



Kata-kata Mutiara

Perjanjian Baru mencakupi wahyu tentang kekudusan dan keilahian Allah yang ada pada Anak-Nya Tuhan Kristus Yesus, ajaran-Nya, mukjizat-Nya dan pemberian kuasa kepada mereka yang menerima-Nya menjadi anak-anak Tuhan.



Aktiviti Bersama

Baghagikan kumpulan anda kepada beberapa kelompok dan diskusikan jawapan-jawapan berikut. Anda boleh menggunakan Alkitab anda kalau diperlukan untuk aktiviti ini. Setelah ini pembimbing anda akan memberi jawapan yang tepat.

1. Perjanjian Lama mempunyai berapa kitab?	
2. Penulis Injil ini menuliskan Injil ini dengan menunjukkan keturunan nenek moyangnya dengan tujuan menunjukkan bahawa Tuhan Yesus berasal daripada keturunan Daud.	
3. Surat ini menjelaskan keadaan tujuh gereja di Asia dan penilaian keadaan rohani mereka oleh Tuhan pada zaman pemuangan Yohanes dan akhir zaman.	
4. Injil ini tidak menyebutkan kewujudan-Nya sebelum dilahirkan, tidak memberitahu siapa nenek moyang Tuhan Yesus mahupun kelahiran-Nya, mahupun waktu kecil-Nya dan lebih berfokus pada Tuhan Yesus sebagai Hamba.	
5. Surat ini menggalakkan pembacanya untuk berfikir dan hidup dengan kesedaran bahawa Tuhan Yesus akan kembali.	
6. Dalam surat ini Rasul Paulus memberitahu gereja ini tentang keilahian Kristus dan kesempurnaan mereka dalam Kristus.	
7. Dalam surat ini, sukacita Paulus tidak dapat dipadamkan sekalipun dia telah dipenjarakan.	
8. Surat ini hampir sama dengan 1 Timotius yang sangat mementingkan organisasi di gereja.	

9. Surat ini menggalakan pemimpin gereja untuk mengajar orang Kristian yang lebih muda agar Injil dapat diteruskan.	
10. Tuhan Yesus sebagai Imam Besar jauh lebih besar daripada semua imam dan pengorbanan dalam Perjanjian Lama.	
11. Gereja ialah tubuh Kristus dan Tuhan Yesus adalah kepalanya dan tubuhnya terdiri daripada orang Yahudi yang percaya dan juga orang Bukan Yahudi.	
12. Kebenaran Tuhan boleh mendatangkan pembenaran bagi manusia yang berdosa.	
13. Paulus menulis surat kepada gereja yang terletak di kota yang cukup terkenal dengan kehidupan yang tidak bermoral. Penduduk kota ini menyembah dewa Aphrodite dan di kuil mereka ada hampir seribu pelacur. Paulus menulis kepada jemaah sini tentang pengudusan dalam Kristus.	
14. Dalam surat ini Paulus membela kerasulannya dan menjelaskan tentang pelayanan yang sejati.	
15. Surat ini dituliskan kepada orang Kristian yang sedang menderita.	



Renungan Firman Tuhan

1. Tema apakah yang ditekankan oleh penulis Markus dan bagaimanakah ia berkaitan rapat dengan apa yang diajari dalam Perjanjian Lama? (Markus 10:45, Yesaya 42:1; Zakharia 3:8)
2. Lukas banyak menekankan satu aspek tentang Tuhan Yesus yang ditekankan oleh Daniel. Apakah itu? (Lukas 17:22; Daniel 7:13)
3. Bolehkah anda menduga penekanan Kisah Para Rasul daripada ayat kunci ini? (Kisah Para Rasul 1:8)
4. Apakah yang dijelaskan oleh Rasul Paulus kepada gereja di kota Galatia? (Galatia 3:3, 11, 26; Galatia 5:4)

- 5. Apakah yang diperingatkan oleh Rasul Paulus kepada jemaah di 1 Tesalonika khususnya tentang bagaimana mereka harus menjalani kehidupan mereka? (1 Tesalonika 5:2-11)

- 6. Ketika Rasul Paulus menulis kepada gereja Korintus dalam 1 Korintus, gereja itu dilandai oleh pelbagai masalah dan dosa. Nyatakan masalah-masalah atas dosa yang dihadapi oleh gereja ini.

a. 1 Korintus 1:10	
b. 1 Korintus 5:1	
c. 1 Korintus 6:1-2	
d. 1 Korintus 7:1	
e. 1 Korintus 8:4	

- 7. Apakah berita inti yang disampaikan oleh Rasul Paulus mengenai penyelamatan? (Roma 3:21-26)

- 8. Lihat Kitab Wahyu dengan sepintas lalu dan lukiskan imej-imej yang digunakan oleh Rasul Yohanes untuk menjelaskan peristiwa-peristiwa yang akan datang pada waktu kedatangan Tuhan Yesus yang kedua kali.



Renungan Peribadi

Surat-surat Rasul Paulus dituliskan kepada individu mahupun jemaat dengan nasihat-nasihat tertentu. Pilihlah salah satu nasihat dari Rasul Paulus untuk memberi dorongan kepada kawan-kawan yang seiman melalui satu kad. Hiaskannya dan berikan kepadanya secara peribadi serta berdoa bersama dengannya.

Santapan Minda

Ingat apa yang dilakukan oleh Tuhan dan kemudian berkata, “Yesus Kristus tetap sama, baik kelmarin mahupun hari ini dan sampai selama-lamanya.” (Ibrani 13:8)

Ingat apa yang dikatakan oleh Tuhan dan kemudian mengetahui bahawa sejarah Perjanjian Lama dan Perjanjian Baru ada kesinambungan. “Aku adalah Alfa dan Omega. Yang Pertama dan Yang Terkemudian. Yang Awal dan Yang Akhir.” (Wahyu 22:13)




Doa

Bersyukurlah kepada Tuhan kerana sejak kejatuhan manusia dalam dosa, Dia telah merancang penyelamatan untuk manusia. Dia mengikat perjanjian dengan manusia melalui Abraham, Musa, Daud, bangsa Israel dan seluruh umat manusia. Perjanjian itu kemudian diberikan kepada Musa, Daud dan kemudian Tuhan Yesus datang kepada manusia sebagai Penebus kita.

**Sesi
2**

**Dunia Sosio-Budaya
Perjanjian Baru**





Ayat Mas Alkitab

“Pada waktu itu datanglah Yesus dari Nazaret di tanah Galilea, dan Dia dibaptis di sungai Yordan oleh Yohanes.” (Markus 1:9)



Kata-kata Mutiara

Latar belakang Perjanjian Baru berlainan dengan zaman Ezra, Nehemia, atau Maleakhi dalam Perjanjian Lama. Tuhan Yesus dan para rasul-Nya melayani pada waktu masyarakat Rom mempunyai pengaruh terhadap agama, falsafah dan kebudayaan pada masa itu dan akibatnya terhadap umat Tuhan.



Aktiviti Bersama

Setakat Manakah Anda Mengetahui Latar Belakang Perjanjian Baru?

Isikan tempat-tempat kosong ini dengan jawapan yang tepat.

1. Perjanjian Baru pada mula-mulanya ditulis dalam bahasa _____.
2. Pengikut-pengikut Tuhan Yesus tinggal di bawah pemerintahan kuasa besar _____.
3. Kebudayaan pada waktu peristiwa-peristiwa Perjanjian Baru ialah kebudayaan _____.
4. Usaha untuk memastikan pengesahan satu kitab dalam Perjanjian Baru yang menentukan bunyi naskah yang paling mendekati naskah yang semula dan sejati dipanggil _____.
5. Pemeriksaan dengan cara menentukan bagaimana Perjanjian Baru diakui gereja selaku firman Allah dipanggil _____.
6. Agama Kristian tersebar luas pada waktu pemerintahan Rom kerana _____ dan _____.
7. Bahasa umum yang dipakai pada waktu itu ialah _____.
8. Sering kali, orang Kristian pada zaman ini menghadapi penganiayaan kerana mereka tidak bersetuju dengan penyembahan _____.
9. Salah satu fahaman/pemikiran pada waktu ini yang mengatakan apa sahaja yang berkaitan dengan kebendaan itu jahat dan apa yang berkaitan roh itu baik dipanggil _____.

10. Masyarakat Rom pada waktu itu juga sering menyembah dewa-dewi seperti Diana (Artemis), Mars (Ares), Jupiter, Zeus dan Venus. Dewi cinta mereka dikenali sebagai _____.
11. Namakan raja pada abad pertama yang gila penyembahan daripada rakyatnya _____.
12. Raja ini menyatukan seluruh kerajaan Rom, mendatangkan keamanan serta kemakmuran kepada kerajaan ini. Di bawah pemerintahannya, rakyatnya dapat menggembara ke merata tempat tanpa ketakutan dan kedamaian dinikmati selama 200 tahun. _____.



Renungan Firman Tuhan

A. Golongan-Golongan Manusia Dalam Perjanjian Baru

1. Golongan Farisi sering datang untuk menyoal, mengkritik dan mengacau Tuhan Yesus. Tuhan Yesus selalunya menghadap mereka dengan menyatakan keadaan rohani mereka yang sebenarnya. Selidiki perkataan-perkataan yang sering muncul sewaktu Tuhan Yesus menjelaskan mereka dalam Matius 23:25-28.

2. Golongan Saduki ialah imam-imam besar pada zaman Daud dan Salomo. Apakah pendapat Tuhan Yesus tentang mereka? (Markus 12:26-27)

3. Golongan Herodian bukan golongan agama tetapi golongan politik. Mereka selalu bertentangan haluan dengan golongan Farisi tetapi dalam satu hal mereka bermuafakat. Jelaskan apa yang membuat mereka berkerjasama? (Markus 3:6; Markus 12:13)

4. Apa pula peranan Golongan Sanhedrin dalam pembunuhan Tuhan Yesus? (Lukas 22:2)

5. Adakah Sanhedrin ini selalu jujur dalam cara mereka melakukan tugas. Apakah yang mereka lakukan terhadap Tuhan Yesus? (Matius 26:59)

6. Sebelum Paulus mengenal Tuhan Yesus, apakah yang dilakukannya bersama Sanhedrin terhadap orang Kristian? (Kisah Para Rasul 22:4)

B. Bangunan dan Perayaan

7. Apakah yang dilakukan oleh Tuhan Yesus sewaktu dia berada di tempat ibadah (synagogue) dan apakah yang dikatakan mengenai Diri-Nya? (Lukas 4:16-21)

8. Apakah keistimewaan yang dirayakan pada perayaan Paskah Tuhan Yesus dengan para murid-Nya.

9. Peristiwa istimewa apakah yang terjadi pada hari Pentakosta? (Kisah Para Rasul 2:1-4)

C. Bangsa-Bangsa Lain Dalam Perjanjian Baru

10. Baca Matius 15:21-28 dan jelaskan apa yang dilakukan-Nya Yesus terhadap bangsa bukan Yahudi (*Gentiles*)?

11. Apakah yang menjadi isu antara orang Yahudi dan orang Samaria pada waktu Perjanjian Baru? (Yohanes 4:20)

12. Bagaimanakah orang Yahudi di Kapernaum menerima firman Tuhan? (Lukas 4:31-32)



Renungan Peribadi

Bayangkan Tuhan Yesus berjalan dalam masyarakat anda.

I. Golongan apakah yang akan ditemui oleh Diri-Nya?

II. Fakta-fakta apakah dalam negara anda yang memampukan khabar baik dan amanat agung?

III. Bagaimanakah kita boleh melindungi umat Tuhan dari ancaman agama, sosial mahupun politik terhadap iman mereka?

Santapan Minda

“Dunia abad pertama tidak jauh berlainan daripada yang berada pada abad yang kedua puluh. Yang miskin dan yang kaya, yang bermoral tinggi dan yang jahat, orang bebas dan hamba tinggal bersama, dan keadaan sosial dan ekonomi juga hampir sama dengan masyarakat kita dalam banyak aspek. Dalam masyarakat Yahudi dan bukan Yahudi juga ada bangsawan. Bagi orang Yahudi, mereka terdiri daripada mereka yang berasal dari golongan agama, dan yang berasal dari keluarga imam dan rabbi yang terkenal. Suku Hasmoneans telah mendominasi masyarakat Palestin sejak zaman Makabeen sehingga Herodus Agung. Di dalam injil-injil mereka muncul sebagai pemerintah Yudea.”

~ Merrill C. Tenney



Doa

Bersyukur atas pengetahuan yang diperoleh dalam pelajaran ini. Mintalah Tuhan agar anda tidak akan menjadi seperti orang Farisi yang berpura-pura rohani tetapi penuh dengan kepalsuan dan kekakuan. Mintalah Tuhan kerelaan untuk mempercayai dan mengikuti Tuhan Yesus seperti nelayan dan penduduk biasa di Kapernaum.

Dunia Politik Perjanjian Baru



Lars
Justin



Ayat Mas Alkitab

“Pada waktu itu datanglah Yesus dari Galilea, dan Ia dibaptis di sungai Yordan oleh Yohanes” (Matius 1:9)



Kata-kata Mutiara

Rancangan penyelamatan manusia oleh Tuhan Yesus dan perkembangan gereja tidak terjadi dalam satu ruangan kosong tetapi ia berlansung dalam masyarakat yang kaya dengan kebudayaan dan politik tertentu.



Aktiviti Bersama

Soalan-Soalan Perbincangan

1. Apakah yang dimaksudkan dengan zaman senyap 400 tahun?
2. Pada tahun 332 S.M. orang Yahudi menjadi sebahagian dari kuasa apa di bawah pemerintahan Iskandar Agung?
3. Apakah yang mencetuskan pemberontakan Makabeen?
4. Orang Yahudi kemudian dibawa ke bawah pemerintahan kuasa apa pada 63 S.M?



Renungan Firman Tuhan

A. Raja-Raja

1. Herodus Agung menjadi raja Yerusalem sekalipun dia bukan orang Yahudi. Apakah niat raja Herodus Agung ketika dia menanyakan orang majus tentang kelahiran Raja Yahudi? (Matius 2:2; 16-18)

2. Herodus Antipas adalah anak kepada Herodus Agung. Apakah yang dilakukan oleh Herodus Antipas terhadap Yohanes Pembaptis? (Matius 11:11-14)
3. Menurut anda adakah Pontius Pilatus seorang gabenor yang bersikap adil dan benar? (Matius 27:15-20)

B. Ekonomi

4. Penduduk Galilea bercucuk tanam, memasarkan tanamannya, dan menangkap ikan sangat penting untuk ekonomi mereka. Apakah yang dilakukan oleh Tuhan Yesus dalam kehidupan nelayan Galilea? (Lukas 5:11)
5. Penduduk pada waktu itu mempunyai sistem perbankan yang sederhana. Sistem pinjam meminjam sangat popular pada waktu itu. Tuhan Yesus telah menggunakan babak pinjam meminjam untuk melambangkan apa? (Matius 18:21-35)

C. Masyarakat Waktu Itu

6. Salah satu orang yang kaya ialah Yusuf Arimatea. Apakah yang dilakukannya untuk Tuhan Yesus? (27:57-61)
7. Baca Filemon dan jelaskan perhubungan antara hamba dan tuan pada masa itu.



Renungan Peribadi

Cuba anda kenalpastikan pelbagai golongan orang yang tinggal di masyarakat Malaysia sama ada orang asing atau rakyat sendiri.

Bagaimanakah Injil dapat disebar di kalangan mereka? Kerjasama apakah yang boleh dilakukan oleh rakyat Malaysia dengan orang Kristian lain di negara lain?

Santapan Minda

“Yesus pernah dituduh sebagai tidak efektif, dalam pengertian politik, dan melakukan terlalu sedikit untuk memperbetulkan ketidakadilan sosial. Tetapi jelas dari Khotbah di Bukit Dia sangat prihatin bahawa murid-murid-Nya harus menjadi “garam” dan “terang” dalam masyarakat sekular, Dia menekankan wibawa nabi-nabi Perjanjian Lama yang keras mengherdik ketidakadilan sosial. Dan Dia selalu menggabungkan Diri-Nya dengan orang-orang miskin dan lemah, dengan orang buangan sosial dan orang-orang yang dianggap sebagai tidak bermoral. Memang benar bahawa Dia tidak memimpin pemberontakan melawan Rom, atau memerdekakan para hamba, atau memperkenalkan sebuah revolusi sosial. Dia telah datang untuk satu tujuan tertentu, yang jauh lebih penting daripada hal-hal itu - dan daripada tujuan tersebut, tidak ada yang boleh menangkis dan menyangkal-Nya.”

~ J. N. D. Anderson, *Christianity: the Witness of History*




Doa

Doakan pelbagai golongan manusia dari negara-negara lain yang tinggal di Malaysia dan bagaimana anda boleh menolong mereka mengenal Tuhan.

**Sesi
4**

**Puncak Rancangan
Allah: Injil**



Lars
Justin



Ayat Mas Alkitab

“Tetapi semua yang tercantum di sini telah dicatat, supaya kamu percaya, bahwa Yesuslah Mesias, Anak Allah. Dan supaya kamu oleh imanmu memperoleh hidup dalam nama-Nya” (Yohanes 20:31)



Kata-kata Mutiara

Injil memberitakan perkataan dan perbuatan Yesus tentang kedatangan kerajaan Allah. Dengan kedatangan Tuhan Yesus, nubuat-nubuat dalam Perjanjian Lama tentang Raja Abadi dan Mesias yang dinubuatkan oleh nabi-nabi digenapi.



Aktiviti Bersama

Kristus Diberitakan Sebagai....

Setiap penulis Injil mempunyai pendekatan yang berbeza. Baca ayat-ayat yang terdapat pada Injil berkenaan dan menjawabnya.

Matius	Markus	Lukas	Yohanes
(Raja)	()	()	()
Matius 1	Markus 1:25 Markus 4:1	Lukas 12:40	Yohanes 1



Renungan Firman Tuhan

Pendekatan Berbeza

Bagagikan kumpulan anda kepada empat Injil kelompok dan setiap kumpulan akan membentangkan jawapannya.

A. Injil Matius

1. Siapakah Matius dan apakah pekerjaannya? (Matius 9:9)
2. Matius berusaha untuk menunjukkan siapakah diri Tuhan Yesus dengan menunjukkan bagaimana Tuhan Yesus memenuhi nubuat-nubuat Perjanjian Lama. Siapakah Yesus menurut pandangan Matius? (Matius 1:22-23; 8:16-17; 12:17-21)

3. Matius berusaha untuk menunjukkan bahwa Tuhan Yesus menurut adat istiadat orang Yahudi dan undang-undang Perjanjian Lama. Matius sedang menulis kepada siapa? (Matius 5:17; 10:5-6)
4. Hampir 60 peratus terdiri daripada Matius terdiri daripada pengajaran. Enam pengajaran yang terkenal dalam Matius 5:1-7:29 dikenali sebagai apa?
5. Matius dengan istimewa telah menegaskan bahawa pelayanan Tuhan Yesus telah mendatangkan sesuatu hal. Selidikinya dalam (Matius 3:2; 4:17; 10:5-7)

B. Injil Markus

1. Markus merupakan sepupu seorang pemimpin gereja yang disukai. Siapakah dia? (Kolose 4:10)
2. Markus memusatkan perhatiannya kepada perbuatan-perbuatan Tuhan Yesus dan tidak membahas dengan mendalam tentang ajaran Tuhan Yesus? Apakah tema yang ditegaskan oleh Markus? (Markus 8:31, Markus 10:45)
3. Markus menggunakan lebih dari 1,300 kali perkataan “dan” dan juga perkataan lain seperti selepas itu, segera, datang, pergi untuk menjelaskan pelayanan Tuhan Yesus. Bolehkah anda meneka gaya penulisannya?
4. Jelaskan apa yang banyak ditekankan oleh Markus dalam pelayanan Tuhan Yesus? (Markus 1:25; 4:39)

C. Injil Lukas

1. Lukas ini teman baik siapa? (Kolose 4:14, Filemon 24, 2 Timotius 4:11)
2. Apakah yang menjadi tujuan penulisan oleh Lukas? (Lukas 1:1-4)
3. Cerita gembala-gembala tentang kelahiran Tuhan Yesus hanya dimuatkan oleh Lukas. Apakah yang dikatakan oleh malaikat tentang kelahiran Tuhan Yesus? (Lukas 2:13-14)
4. Lukas menulis kepada satu golongan orang yang tertentu. Siapakah mereka? (Lukas 3:36-38)
5. Perkataan apakah yang digunakan oleh Lukas sebanyak 24 kali dan juga terdapat dalam Daniel 7:13; Lukas 12:40.

D. Injil Yohanes

1. Siapakah Yohanes? (Yohanes 21:20,24)
2. Apakah tujuan penulisan Injil Yohanes? (Yohanes 20:30-31)
3. Apakah yang diumumkan oleh Yohanes pada permulaan Injil? (Yohanes 1:1)
4. Tuhan Yesus menjelaskan banyak hal tentang Diri-Nya dan pelayanan-Nya. Yohanes banyak memberi tekanan akan aspek penekanan ini. Selidiki ayat-ayat ini dan jelaskannya (Yohanes 5:16-18)




Renungan Peribadi

Belajar Menggunakan Empat Hukum Rohani

Berita Baik boleh disampaikan dengan ringkas dan padat.

Pengajar anda akan mengajar anda memberitakan khabar baik kepada kawan-kawan anda. Anda akan belajar menggunakan teknik ini dalam penginjilan anda. Belajar Empat Hukum Rohani dari Campus Crusade sungguh berguna dan boleh dipakai bila-bila masa.

Renungan: Adakah “masuk ke dalam Kerajaan Allah” sama dengan “masuk Kristian atau Islam atau agama lain” seperti yang biasanya dimengertikan orang? Atau ia semudah membuka pintu hati untuk Yesus masuk ke dalam hidup kita? Jelaskan.



Santapan Minda

“ Keempat-empat Injil menjelaskan dosa dengan jelas dan bagaimana Tuhan Yesus telah datang menebus dosa manusia. Untuk tidak menghiraukan dosa ialah perbuatan yang tidak jujur. Untuk memanggilnya dengan nama lain ialah suatu kebodohan. Untuk memanggilnya dengan nama yang ringan memang kebodohan yang tuntas. Kita tidak dapat menukarkan sesuatu yang berbahaya kepada yang tidak berbahaya dengan menggantikan namanya. Racun tetap racun walaupun kita boleh memberinya nama yang lain.”

~ Selwyn Hughes




Doa

Berdiri dalam lingkaran. Setiap orang akan melontarkan sesuatu sifat yang indah tentang Tuhan Yesus dan memuji-Nya. Pembimbing akan menutup sesi doa ini dengan memuji pengorbanan Yesus di kayu salib demi dosa manusia dan berdoa agar setiap peserta diberikan beban untuk memberitakan Kristus Yesus kepada teman-teman mereka.

Sesi
5

Kehidupan Gereja Awal



Lars
Johansen



Ayat Mas Alkitab

“Orang-orang yang menerima perkataannya itu memberi diri dibaptis dan pada hari itu jumlah mereka bertambah kira-kira tiga ribu jiwa.”
(Kisah Para Rasul 2:41).



Kata-kata Mutiara

Kisah Para Rasul adalah catatan sejarah mengenai kelahiran dan perkembangan gereja awal. Ia merupakan sumber informasi utama tentang gereja awal dan apa yang terjadi pada tiga puluh tahun pertama gereja.



Aktiviti Bersama

Kuiz – Penginjil Yang Terkemuka

1. Paulus dilahirkan di kota moden yang bernama:

a. Tarsus	b. Turki
c. Yunani	d. Sirus

2. Ketika Paulus dijatuhkan hukuman mati, pemerintah Rom pada waktu itu ialah:

a. Claudias	b. Caligula
c. Nero	d. Tiberius

3. Sebagai seorang pemuda, Paulus mungkin dapat bercakap dalam bahasa:

a. Samaria	b. Mesir
c. Yunani	d. Arab

4. Paulus belajar hukun di bawah guru besar:

a. Gamaliel	b. Caiaphas
c. Nikodemus	d. Hillel

5. Paulus seorang:

a. Saduki	b. Farisi
c. Guru Taurat	d. Herodian

6. Paulus berkerja sebagai:

a. Pemugut cukai	b. Pendiri khemah
c. Tukang kayu	d. Penjual kulit binatang

7. Paulus merupakan rakyat:
- | | |
|-----------|------------|
| a. Atena | b. Rom |
| c. Tarsus | d. Samaria |
8. Rasul Paulus bertemu dengan Tuhan Yesus yang bangkit di:
- | | |
|-------------|------------|
| a. Korintus | b. Efesus |
| c. Malta | d. Damsyik |
9. Nama Rasul Paulus sebelum pertaubatannya:
- | | |
|--------------|------------|
| a. Adam | b. Ananias |
| c. Nikodemus | d. Saulus |



Renungan Firman Tuhan

1. Tuhan Yesus memerintah mereka agar menantikan Perjanjian Tuhan di Yerusalem Perjanjian apakah yang dinantikan oleh mereka? (Kisah Para Rasul 1:4-5)
2. Apakah yang menjadi tujuan kedatangan Roh Kudus? (Kisah Para Rasul 1:8)
3. Bayangkan anda seorang murid Tuhan Yesus, bagaimanakah anda menjelaskan peristiwa ini? (Kisah Para Rasul 2:17-24; Kisah Para Rasul 2:25-36)
4. Jelaskan tiga aspek persekutuan orang Kristian di gereja awal (Kisah Para Rasul 2:42-47)
5. Apakah yang terjadi apabila gereja semakin bertambah dan apakah rancangan mereka? (Kisah Para Rasul 6:8-15)
6. Apakah yang terjadi kepada Stefanus? (Kisah Para Rasul 7:51-60)

- 7. Adakah Tuhan Yesus hanya datang untuk orang Yahudi menurut pengalaman Petrus? (Kisah Para Rasul 10:35, 44-48)
- 8. Apakah yang dilakukan oleh orang Kristian yang terselerak akibat penganiayaan? (Kisah Para Rasul 11:19)
- 9. Siapakah yang mengutus Rasul Paulus dan Barnabas untuk penginjilan? (Kisah Para Rasul 13:1-4)



Renungan Peribadi

Baca Kisah Para Rasul 16:1-40 mengenai cara Paulus membawa kabar injil. Isikan jawapan di tempat kosong:

- 1. Paulus mengangkat seorang pemuda yang bernama _____ sebagai anak rohaninya dan mengajarnya. Anak rohaninya kemudian mengabarkan injil.
- 2. Paulus memiliki penglihatan tentang seorang pemuda dari _____ yang menyuruh dia untuk memberitakan kabar baik.
- 3. Paulus pergi ke kota berdekatan sungai dan mengabarkan injil dengan seorang penjual kain bernama _____
- 4. Ketika Paulus berada di tempat doa, dia bertemu _____, dia mengusir roh itu.
- 5. Paulus dan Silas menginjili _____ dan keluarganya ketika di penjara.


Santapan Minda

“Tidak ada penjelasan yang memadai tentang perubahan dramatik kecuali yang dalam Alkitab mengenai pertaubatan Saul dari Tarsus. Orang yang tidak percaya tidak dapat memberi jawapan yang memuaskan tentang bagaimana seseorang yang begitu membenci Kristus akan tiba-tiba menyatukan diri dengan Tuhan Yesus dan menjadi pengkhotbah iman yang terbesar dalam Kristus Yesus.”

~ Paul N. Benware

Sesi
6

**Surat-Surat
Rasul Paulus**



Lars
Justin



Ayat Mas Alkitab

“Sebab aku mempunyai keyakinan yang kukuh dalam Injil, kerana Injil adalah kekuatan Allah yang menyelamatkan setiap orang yang percaya, pertama-tama orang Yahudi, tetapi juga orang Yunani. (Roma 1:16)



Kata-kata Mutiara

Surat-surat Rasul Paulus dituliskan kepada gereja awal untuk menolong gereja meletakkan landasan dalam iman dan juga memberi kebenaran serta panduan untuk menolong kehidupan kekristianan mereka.



Aktiviti Bersama

Cari Tema Surat-surat Paulus...

Surat Paulus	Tahun Masehi	Ditulis Dari	Tema
Galatia	48	Antiokia Syria	Gal. 2:15-16; 3:26-28, 5:16
1 Tesalonika	51	Korinth	1 Tesalonika 1:2-3; 4:13-15
2 Tesalonika	51	Korinth	2 Tesalonika 3:10-13
1 Korintus	54/56	Efesus	1 Korintus 1:10-11; 6:18-20
2 Korintus	55/56	Makedonia	2 Korintus 4:1-2; 12:9-10
Roma	55/56	Korinth	Roma 1:16-17; 12:1-2
Efesus	61	Rom	Efesus 1:3-4; 2:8-10; 4:1
Kolose	61	Rom	Kolose 1:18-20; 2:4,8; 3:1-2
Filemon	61	Rom	Filemon 10-16
Filipi	62	Rom	Filipi 1:27-30; 2:1-4
1 Timotius	62	Makedonia	1 Timotius 1:3; 4:12;
Titus	63	Efesus	Titus 2:1, 11-15
2 Timotius	64	Rom	2 Timotius 2:1-3



Renungan Firman Tuhan

Pemahaman Sepintas Surat Roma

1. Apakah yang akan terjadi kepada manusia kalau mereka menolak kebenaran Tuhan? (Roma 1:18)
2. Mengapakah orang Yahudi dianggap lebih bersalah kalau mereka menolak kebenaran Tuhan? (Roma 2:17-24)
3. Apakah kesimpulan Rasul Paulus mengenai semua manusia? (Roma 3:9-20)
4. Menurut Rasul Paulus dari manakah kita dapat memperoleh penyelamatan? (Roma 3:21-22; 3:27-28)
5. Rasul Paulus membandingkan antara Adam dan Kristus. Apakah perbezaan antara mereka berdua? (Roma 5:12-21)
6. Kenapakah kita tidak perlu menjadi hamba dosa lagi? (Roma 6:6)
7. Apakah menjadi puncak dalam surat Roma? (Roma 12:1-2)



Renungan Peribadi

Setiap peserta akan memilih sebahagian daripada surat-surat Rasul Paulus dan pergi ke satu sudut bilik untuk merenungi serta menerap-

kannya dalam hidupnya. Setelah beberapa minit, kumpul lagi dan dengan cepat beberapa orang boleh berkongsi petikan dan ertinya bagi hidup anda.

Contoh

1. Demikian juga lidah, walaupun suatu anggota kecil dari tubuh, namun dapat memegahkan perkara-perkara yang besar. Anda mungkin ingin berkongsi tentang kasih dalam 1 Korintus 13 atau sehati sefikir dalam surat Filipi.
2. 1 Korintus 13 tentang kasih...jelaskan bagaimana anda akan melaksanakannya.

Santapan Minda

Surat Galatia

“Sesudah Paulus memberitakan Injil di antara mereka, maka jemaah dimasuki oleh orang-orang yang mengajar bahawa untuk menjadi selamat, orang Kristian harus disunat selaku tanda perjanjian Allah (Galatia 5:2,3; 6:12,13). Guru-guru palsu ini mengajar mereka bahawa tuntutan keselamatan memerlukan nereka disunat selain hari raya yang harus dirayakan. (Galatia 4:10). Penyesat-penyesat ini bukan beragama Yahudi; mereka beragama Kristian tetapi berasal dari kalangan orang Yahudi dan diajari sejak kecil bahawa taurat iaitu Firman Tuhan itu abadi, maka kedatangan Mesias tidak diterima mereka. Paulus menjelaskan bahawa hukum Taurat tidak dapat membenarkan seorang pun.”

~ Dr. M.E. Duyverman




Doa

Dengan menggunakan petikan Alkitab yang telah anda pilih di bahagian Renunagn Peribadi, carikan seorang teman sebagai pasanagn anda untuk berdoa bersama.

**Surat-Surat
Umum**

YAKOBUS
1 PETRUS
IBRANI
YUDAS
2 PETRUS
3 YOHANES
1 YOHANES
2 YOHANES



Lars
Johanna



Ayat Mas Alkitab

“Kerana kuasa ilahi-Nya telah menganugerahkan kepada kita segala sesuatu yang berguna untuk hidup yang saleh oleh pengenalan kita akan Dia, yang telah memanggil kita oleh kuasa-Nya, yang mulia dan ajaib.”
(2 Petrus 1:4)



Kata-kata Mutiara

Tuhan Yesus adalah Imam Agung yang lebih berkuasa daripada segala iman dan Dia adalah korban yang sempurna untuk dosa manusia. Dia telah memberikan nyawa-Nya sebagai korban demi dosa manusia hanya sekali sahaja namun berkesan untuk penebusan manusia selama-lamanya.



Aktiviti Bersama

Cari Tema Surat-surat Berikut...

Surat	Tahun Masehi	Ditulis Dari	Tema
Yakobus	45	Yerusalem	Yakobus 1:2; 2:14
Ibrani	65	Tidak diketahui	Ibrani 1:1-2:4
1 Petrus	65	Rom	1 Petrus 1:4-5-7; 1 Petrus 2:11-21
2 Petrus	67	Rom	2 Petrus 3:1, 17-18
Yudas	70	Tidak diketahui	Yudas 3-4, 20
1 Yohanes	85	Efesus	1 Yohanes 1:5-2:17
2 Yohanes	90	Efesus	2 Yohanes 9
3 Yohanes	90	Efesus	3 Yohanes 11



Renungan Firman Tuhan

Pemahaman Sepintas Surat Ibrani

1. Menurut penulis kitab ini, Yesus dianggap jauh lebih tinggi dari segalanya. Apakah gagasan yang digunakan untuk membenteng hal ini? (Ibrani 1:2; 1:3-4)
2. Kenapakah Tuhan Yesus dikatakan lebih tinggi daripada malaikat-malaikat? (Ibrani 1:5-9)
3. Mereka tidak boleh mengikut teladan siapa dan kenapa? (Ibrani 3:7-11, Ulangan 3:18-20)
4. Dalam Perjanjian Lama Imam Besar terpaksa memberi korban perdamaian berkali-kali kerana darah domba tetap tidak dapat menghapuskan dosa selama-lamanya apakah yang dilakukan oleh Tuhan Yesus? (Ibrani 9:12-14)
5. Apakah yang tidak boleh diabaikan oleh mereka yang percaya kepada Yesus Kristus? (Ibrani 10:24-25)
6. Bagaimanakah Tuhan Yesus menjadi teladan kepada kita di tengah-tengah kesulitan yang luarbiasa? (Ibrani 12:1-4)



Renungan Peribadi

Baca Ibrani 11:17-31

Bagaimana pula dengan kehidupan anda? Nyatakan lima hal yang boleh anda lakukan dengan iman:

Dengan Iman Saya Boleh...

- 1.
- 2.
- 3.
- 4.
- 5.

Santapan Minda

“Sebab Imam Besar yang kita punya, bukanlah Imam Besar yang tidak dapat turut merasakan kelebihan-kelemahan kita, sebaliknya sama dengan kita, Dia dicubai, hanya tidak berbuat dosa.” (Ibrani 4:15)

“Bersimpati adalah pelayanan yang paling jarang ditemui, dan ia adalah paling manis. Ia tidak menunjuk-nunjuk diri kepada dunia, tetapi ia akan meninggalkan tandanya.”

~ Edward Denett



Doa

Kongsilah dengan seorang teman anda tentang apa yang anda tuliskan dalam renungan peribadi dan doakan isi hatimu bersama teman itu

Sesi
8

Maranatha!



Lars
Justin



Ayat Mas Alkitab

“Sesungguhnya Aku datang segera dan Aku membawa upah-Ku untuk membalaskan kepada setiap orang menurut perbuatannya. Aku adalah Alfa dan Omega, Yang Pertama dan Yang Terkemudian, Yang Awal dan Yang Akhir”. (Wahyu 22:12-13)



Kata-kata Mutiara

Memahami rancangan Allah untuk masa akhir akan menolong kita mengubah cara kita hidup dan cara kita menjalankan kehidupan kita.



Aktiviti Bersama

Siri Penghakiman Dalam Kitab Wahyu

Isikan siri penghakiman yang saling berkaitan ini dari ayat-ayat Alkitab yang diberikan.

Siri Penghakiman	1	2	3
Tujuh Meterai (Wahyu 6:1-8:6)	1. Antikristus 2. Perang 3. Kelaparan 4. 5. 6. Gempa bumi 7. Pembukaan Trompet	Pembukaan Trompet	
Tujuh Trompet (Wahyu 8:7-9:21)		1. Sayur-sayuran terbakar 2. 3. 4. 5. Aktiviti-aktiviti iblis yang bertambah 6. Serangan tentera dari Timur 7. Pembukaan Cawan	Pembukaan Cawan

Siri Penghakiman	1	2	3
Tujuh Cawan (Wahyu 15:1 – 16:21)			1. 2. Lautan menjadi air 3. Air bersih menjadi darah 4. Manusia dibakar api 5. Takhta Binatang dihakimi 6. 7.



Renungan Firman Tuhan


Bahagian A

1. Situasi apakah yang dihadapi oleh Yohanes ketika dia menulis kitab Wahyu? (Wahyu 1:9)
2. Situasi apakah yang dihadapi oleh umat Tuhan yang lain pada waktu itu? (Wahyu 2: 10-11, 13)
3. Apakah yang menjadi tujuan penulisan kitab Wahyu? (Wahyu 3:11-12)
4. Bandingkan lambang-lambang dan gambaran dalam Wahyu 1:9-20 dengan Daniel 7:9; Yehezkiel 43:2. Apakah persamaannya?
5. Apakah mesej-mesej inti kitab Wahyu? (Wahyu 5:13; 20:10; 22:12-13)



Renungan Peribadi

Bayangkan diri anda sebagai sebuah gereja dan Tuhan sedang menulis sepucuk surat tentang engkau. Apakah yang akan dikatakan oleh-Nya? Setia, suka berkompromi, kehilangan kasih pertama, rajin, bersemangat atau...Ambil beberapa minit menulisnya dan kemudian merenungi kehidupan anda sambil berdoa untuk diri sendiri.



Santapan Minda

“Jika Kristus akan datang esok, saya tetap akan menanam satu pohon pada hari ini.” ~ Martin Luther

Kebanyakan manusia kalau mengetahui kebenaran ini (Kristus akan datang esok) mungkin tidak akan menanam pohon-pohon durian. Kemungkinan besar kita berkabung, bertaubat dan bertaubat, menyesal dan menyesal, merayu dan merayu untuk pengampunan dan rahmat Tuhan.

Jadi pelajaran apakah yang kita peroleh? Bukankah ini tanda kita belum siap untuk kedatangan-Nya? Kalau kita senantiasa berjalan dalam terang Tuhan, tentu kita akan menanam pohon seperti Martin Luther.



Doa

Berdiri dalam lingkaran dan berdoa untuk setiap orang yang hadir agar Tuhan menolong kita semua untuk selalu hidup berkenan kepada Tuhan. Berdoa agar kita selalu bersiap sedia untuk kedatangan-Nya yang kedua kali.

Panduan Pembimbing

Sesi 1: Sekilas Pandang Perjanjian Baru



Objektif-Objektif Sesi

1. Untuk memahami kesinambungan antara Perjanjian Lama dan Perjanjian Baru.
2. Untuk memperoleh gambaran besar tentang Perjanjian Baru.
3. Untuk mendapat gambaran besar tema kitab-kitab dalam Perjanjian Baru.



Penjelasan

Perjanjian Baru terdiri daripada 27 tulisan oleh sembilan pengarang yang berbeza. Dokumen-dokumen ini ditulis dalam jangka waktu hampir setengah abad 45 hingga 100 tahun Masehi. Perjanjian Baru melanjutkan cerita Perjanjian Lama dan merupakan puncak wahyu Allah kepada manusia. Mesias yang dinanti-nantikan datang dan berjalan serta hidup di kalangan manusia. Yang terpenting, Mesias yang mengorbankan nyawa-Nya demi manusia dan mengenapi rancangan Tuhan yang terindah telah jelas diceritakan dalam keempat-empat Injil.

Kitab Rasul menjelaskan kelahiran gereja, kehidupan awal gereja dan misi Paulus, Untuk lebih memahami surat-surat dalam Perjanjian Baru, seseorang perlu memahami Kisah Para Rasul kerana kitab ini adalah sumber sejarahnya. Selain itu, ada juga surat-surat yang dituliskan kepada individu tertentu dan berharga untuk pemahaman kita. Kitab Wahyu bukan hanya dituliskan untuk menghibur orang Kristian yang sedang mengalami penganiayaan pada waktu Yohanes, tetapi juga orang Kristian kini yang berada di dunia ini dan menantikan kedatangan Tuhan Yesus sebagai Raja di atas segala raja.

Perbandingan Perjanjian Lama dan Perjanjian Baru

Perjanjian Lama	Perjanjian Baru
<ul style="list-style-type: none"> • 39 Kitab • 929 Bab • 4,000 tahun • 31 pengarang 	<ul style="list-style-type: none"> • 27 Kitab • 260 Bab • 100 tahun • 9 pengarang




Pencetus Minat

Ia bertujuan untuk menolong para peserta memahami kesinambungan antara Perjanjian Baru dan Perjanjian Lama. Menyelidiki Perjanjian Baru tanpa memahami Perjanjian yang diberikan dalam Perjanjian Lama sehingga ke Perjanjian Baru amat merugikan pengertian para peserta.

Berikan kadbod kepada para peserta dan minta setiap kelompok melukiskan perkembangan perjanjian dalam Alkitab untuk menelusuri perjanjian di sepanjang Alkitab dan melihat urutan serta kesinambungan antara Perjanjian Lama dan Perjanjian Baru. Berikut adalah maklumat-maklumat untuk menolong mereka membuat gambar rajah mereka.

Reka satu garis perjalanan masa yang boleh diingat dan difahami dengan mudah.

1. Kejatuhan Adam dan Hawa (Kejadian 3:15)
2. Perjanjian Dengan Abraham (Kejadian 12)
3. Perjanjian Dengan Musa (Keluaran 20)
4. Perjanjian Dengan Daud (2 Samuel)
5. Perjanjian Baru (Yeremia 31)
6. Pembuangan
7. Pemulihan (Ezra, Nehemia)
8. Zaman Senyap 400 tahun
9. Kedatangan Kristus (Matius 1:1; Lukas 1:33)
10. Kedatangan Raja atas segala Raja (Wahyu)



Penjelasan

1. Pada waktu Adam dan Hawa jatuh dalam dosa, dalam kitab Kejadian telah menjanjikan satu pelan keselamatan bagi manusia.
2. Perjanjian Tuhan dengan Abraham untuk memberinya satu bangsa.

3. Perjanjian Dengan Musa- Keluaran 20(Perjanjian Musa di mana Tuhan telah mengangkat penduduk Israel sebagai bangsa dan memilih mereka sebagai umat-Nya dan mereka terikat dengan syarat-syarat dan harus mematuhi.Kerajaan Teokrasi di bawah Musa dan Yosua)
4. Perjanjian Daud—Kerajaan Monarki (2 Samuel)
5. Perjanjian Baru—Yeremia 31-Mereka akan mengalami perubahan dalam hati dan batin di mana hukum-hukum akan tersembunyi dalam hati mereka. Suatu nubuat jauh ke depan sewaktu Tuhan Yesus menebus umat-Nya dan memberi mereka hati yang baru. Hati batu digantikan hati baru.
6. Pembuangan—Umat Tuhan dibawa ke dalam pembuangan di Asyur, dan kemudian di Babel.
7. Pemulihan—Ezra, Zerubbabel dan Nehemia membimbing umat Tuhan dalam pembangunan kota Yerusalem dan pembinaan Bait Suci.
8. Zaman Senyap-zaman di mana suara Tuhan tidak terdengar
9. Kedatangan Tuhan Yesus-Yesus dilahirkan dan Dia berasal dari keturunan Daud.
10. Pemerintahan Tuhan Yesus sebagai Raja di atas segala raja.

Zaman Senyap

Zaman antara Perjanjian Lama dan Perjanjian Baru dipanggil 400 tahun senyap. Pada waktu ini tidak ada kitab ditulis dan tidak ada wahyu daripada Tuhan. Pada zaman ini kerajaan Babel, ditakluk oleh Raja Iskandar Agung yang kemudian juga menakluk Palestin. Seluruh Palestin dipengaruhi oleh kebudayaan Yunani. Bahasa Yunani menjadi Bahasa rasmi dan Perjanjian Baru ditulis dalam bahasa Yunani. Di bawah raja Antiochus, Bait Suci dicemari dan ini mengakibatkan pemberontakan dinamai pemberontakan Makabbean di bawah Mattathias. Paslestina kemudian didominasi oleh Rom.



Aktiviti Bersama

- | | | |
|----------------|-----------------|---------------|
| 1. 27 Kitab | 2. Matius | 3. Wahyu |
| 4. Lukas | 5. 1 Tesalonika | 6. Kolose |
| 7. Filipi | 8. Titus | 9. 2 Timotius |
| 10. Ibrani | 11. Efesus | 12. Roma |
| 13. 1 Korintus | 14. 2 Korintus | 15. 1 Petrus |



Renungan Firman Tuhan

1. Markus memberi fokus kepada Tuhan Yesus sebagai Hamba Tuhan yang datang melayani dan memberi nyawa-Nya sebagai tebusan kepada banyak orang. Hamba Tuhan ini juga Sang Tunas atau Mesias yang dijanjikan dalam Perjanjian Lama. (Markus 10:45; Yesaya 42:1; Zakharia 3:8)
2. Lukas memberi tekanan kepada aspek kemanusiaan Tuhan Yesus yang nyata namun Dia adalah manusia yang sempurna dan Tuhan Yesus sering menggunakan “Anak Manusia” untuk merujuk kepada penderitaan dan kematian-Nya. Jelaslah Tuhan Yesus juga merujuk kepada dirinya sebagai Mesias yang dijanjikan dalam Daniel. (Lukas 17:22; Daniel 7:13)
3. Kisah Para Rasul menekankan tentang kepentingan melaksanakan amanat agung yang diberikan oleh Tuhan Yesus. (Kisah Para Rasul 1:8)
4. Paulus mengingatkan jemaah mereka bahawa mereka telah dibenarkan oleh iman dalam Kristus dan bukan disebabkan mereka menyimpan Hukum Taurat. Usaha manusia tidak membawa keselamatan mahupun pengudusan. (Galatia 3:3,11,26; 5:4)
5. Mereka harus hidup berjaga-jaga kerana Hari Tuhan akan datang seperti seorang pencuri dan mereka harus insaf akan hal ini serta bersiap sedia untuk hari itu dan tidak boleh hidup lalai. (1 Tesalonika 5:2-11)
6. Masalah-Masalah yang dihadapi oleh gereja adalah:-
 - a. Perpecahan telah terjadi di gereja dan Paulus harus menggalakkan mereka untuk sehati sefikir dalam Kristus. (1 Korintus 1:10)
 - b. Percabulan terjadi di kalangan jemaah Korintus bahkan dalam keluarga. (1 Korintus 5:1)
 - c. Mereka saling mendakwa sesama di mahkamah dan memalukan gereja dan kesaksian orang Kristian. (1 Korintus 6:1-2)
 - d. Hal tentang perkahwinan dan hidup membujang. (1 Korintus 7:1)
 - e. Masalah tentang memakan makanan yang dipersembahkan kepada berhala. (1 Korintus 8:4)
7. Hukum Taurat menyatakan dosa kita tetapi kasih karunia Tuhan dan iman yang menyelamatkan kita dan yang membawa pembenaran kepada kita. (Roma 3:21-26)
8. Berikanlah waktu untuk para peserta mencari imej-imejnya. Kemudian berbincang ringkas dengan mereka.



Renungan Peribadi

Jelaskan kepada para peserta bahawa Rasul Paulus telah menulis surat-surat untuk menggalakkan pembacanya dan juga kawan-kawannya agar mereka bertumbuh dalam iman. Surat-suratnya penuh dengan motivasi dan penghiburan kepada orang lain. Sewaktu kita menulis e-mel, blog mahupun facebook alang baiknya kalau kita boleh menelاندani Rasul Paulus. Tulislah sesuatu yang boleh membangun iman orang lain. Suruh mereka mencari ayat-ayat yang tertentu dan tuliskan satu kad, e-mel, blog atau facebook kepada kawan mereka.

Sediakan kadbod, hiasan dan pen pewarna untuk para peserta. Mereka boleh saling berkongsi kenapa mereka memilih ayat-ayat tertentu dan maksudnya.



Doa

Minta para peserta mengucapkan syukur kepada Tuhan kerana sejak kejatuhan manusia dalam dosa, Dia telah merancang penyelamatan untuk manusia. Dia mengikat perjanjian dengan manusia melalui Abraham, Musa, Daud, bangsa Israel dan seluruh umat manusia. Perjanjian itu kemudian diberikan kepada Musa, Daud dan kemudian Tuhan Yesus datang kepada manusia sebagai Penebus kita.

Sesi 2 : Dunia Sosio-Budaya Perjanjian Baru



Objektif-Objektif Sesi

1. Mengetahui latar belakang Perjanjian Baru agar memahami Perjanjian Baru lebih baik.
2. Menyelidiki tentang pelbagai golongan bangsa, bangunan dan perayaan masa itu.
3. Menerapkan beberapa bahagian Alkitab dalam penyelidikan ini.



Pencetus Minat

Buat satu kajian dan carilah gambar-gambar menarik tentang masyarakat, bangunan, kebudayaan, wajah raja-raja pada waktu itu. Anda boleh tayangkan dalam bentuk video klip untuk merangsang minat para peserta.

Selain itu, anda boleh menggalakkan mereka membuat kajian dan mencari tentang kebudayaan-kebudayaan pada waktu itu seperti Rom dan Yunani. Mereka boleh melihat bagaimana keadaan pada masa itu telah mempengaruhi kehidupan orang Kristian dan masalah-masalah yang dihadapi mereka contohnya Raja Nero dan kegilaan permainan sadist di gelanggang.



Aktiviti Bersama

- | | | |
|---|----------|---------------|
| 1. Yunani | 2. Rom | 3. Yunani-Rom |
| 4. Ilmu Salinan (<i>Textual Criticism</i>) | | 5. Kanon |
| 6. Keamanan (<i>Pax Romana</i>) dan kebaikan jalan raya | | |
| 7. Yunani | 8. Raja | 9. Gnostisme |
| 10. Afrodite | 11. Nero | 12. Augustus |



Renungan Firman Tuhan

I. Golongan-Golongan Manusia Dalam Perjanjian Baru

Memahami pelbagai golongan manusia dalam agama dan politik yang wujud dalam masyarakat Perjanjian Baru dapat menolong kita mengaji firman Tuhan dengan lebih baik.

1. Golongan Farisi

Golongan yang sering datang untuk menyoal, mengritik dan mengacau Tuhan Yesus ialah golongan Farisi. Mereka sangat mementingkan adat istiadat dan telah mendirikan banyak larangan. Mereka tidak akan makan susu, roti dan minyak yang disediakan oleh orang bukan Yahudi dan kalau orang bukan Yahudi datang ke rumah, dia tidak boleh bersendirian. Kalau mereka bersendirian di rumah mereka, semua periuk, belanga, makanan dan barang-barang di rumah dianggap tercemar dan perlu dicuci dengan bersih. Pada hari Sabat, mereka tidak boleh mengangkat jarum dan kalau butang jatuh, mereka tidak boleh mengangkatnya.

Tuhan Yesus mengecam mereka sebagai orang munafik seperti cawan yang bersih di luar tetapi kotor di dalam, atau kabur yang putih di luar tetapi banyak tulang-tulang. Di luar seperti orang baik tetapi di dalam penuh dengan kemunafikan dan kedurjanaan. (Matius 23:25-28)

2. Golongan Saduki

Golongan Saduki ini adalah imam-imam besar pada zaman Daud dan Salomo. Mereka tidak bersetuju dengan peraturan-peraturan lisan orang Farisi. Mereka tidak percaya kepada malaikat, iblis, kebangkitan mahupun Mesias dan mempercayai hanya lima kitab Musa.

Tuhan Yesus menegur mereka kerana mereka tidak percaya kepada kebangkitan dan Tuhan Yesus menegaskan bahawa Allah Abraham, Musa dan Yakub adalah Allah yang hidup. (Markus 12:26-27)

3. Golongan Herodian

Mereka berasal daripada dinasti Herodian dan banyak manfaat daripada perhubungan dengan dinasti ini. Golongan ini bukan golongan agama tetapi golongan politik. Mereka bersekongkol untuk membunuh Tuhan Yesus. (Markus 3:6; Markus 12:13)

4. Golongan Sanhedrin

Kata akar Sanhedrin ialah duduk bersama-sama. Mereka ada perbadanan majlis agung seperti mahkamah tinggi agung yang mengurus hal-ehwal orang Yahudi. Mereka terdiri daripada tujuh puluh satu anggota dan imam besar adalah pengerusinya. Kerajaan Rom mengizinkan mereka menangani hal-ehwal orang Yahudi.

Golongan Sanhedrin memainkan peranan penting dalam merancang pembunuhan Yesus:

- Mereka merancang untuk membunuh Yesus (Lukas 22:2).
- Mereka mencari saksi-saksi palsu. (Matius 26:59)

Di awal perkembangan pengikut Yesus, golongan Sanhedrin terlibat dalam merancang, menganiaya dan membunuh orang Kristian. (Kisah Para Rasul 22:4)

II. Bangunan Dan Perayaan Dalam Perjanjian Baru

Ada beberapa bangunan dan perayaan penting dalam zaman Perjanjian Baru:

1. Sinagogue (Rumah ibadat)

Tempat di mana orang Yahudi berkumpul untuk beribadah dan membaca kitab-kitab. Asal usul sinagogue ini boleh ditelusuri sejak orang Yahudi dibawa ke dalam pembuangan. Di sana mereka, termasuk tua-tua dan imam berkumpul bersama untuk beribadah dan membaca kitab dalam suatu tempat yang kemudian dinamai sinagogue (Yehezkiel 8:1; 20:1-3). Setelah mereka kembali ke Yerusalem, mereka terus bertemu di synagogue untuk beribadah dan membaca kitab.

Tuhan Yesus pernah berkata Dia sedang menggenapi segala yang dijanjikan oleh nabi Yesaya semasa Dia membaca ayat-ayat dari Yesaya. (Lukas 4:16-21)

2. Bait Suci

Bait Suci ini pada mula-mulanya dibangunkan oleh raja Salomo dan telah sering diserang oleh musuh-musuh. Pada zaman Kristus, dibangunkan oleh raja Herodus Agung tetapi dibinasakan oleh Rom pada 70 Masehi. Bait Suci ini ada beberapa ruangan: di luar iaitu ruangan besar diperuntukkan untuk orang bukan Yahudi, satu ruangan untuk wanita, dan satu lagi untuk orang Israel.

3. Perayaan Paskah

Perayaan Paskah dirayakan pada Mac/April untuk mengingatkan mereka tentang pelepasan dari belenggu Mesir. Sementara Perayaan Roti Tidak Beragi adalah sebahagian daripada perayaan Paskah. Mereka makan roti tidak beragi dan merayakan penuaian gandum.

Keistimewaan yang dirayakan pada perayaan Paskah oleh Tuhan Yesus dengan para murid-Nya ialah mereka merayakan kematian-

Nya yang menjelang, pemberian tubuh dan pencurahan darah-Nya.

4. Pentakosta.

Dirayakan pada Mei/Jun untuk menandakan penuaian gandum. Peristiwa istimewa yang terjadi pada hari Pentakosta ialah pengikut-pengikut Tuhan Yesus mengalami kedatangan Roh Kudus. (Kisah Para Rasul 2:1-4)

III. Bangsa-Bangsa Dalam Perjanjian Baru

1. Bangsa Bukan Yahudi (Gentiles)

Sewaktu Tuhan Yesus melayani di Palestina, Dia juga menjangkau orang Bukan Yahudi.

2. Bangsa Samaria (Samaritans)

Bangsa Samaria berasal daripada satu masyarakat yang ditempatkan oleh Asyur di Israel. Penduduk Israel yang tidak dibawa ke dalam pembuangan berkahwin dengan anak-anak perempuan mereka. Orang Yahudi memandang rendah terhadap mereka dan apabila mereka membangun bait suci sendiri di Gunung Gerizim, mereka dibenci oleh orang Yahudi. Pada waktu Perjanjian Baru, mereka menyembah di gunung yang berlainan dan saling bermusuhan dengan orang Yahudi. (Yohanes 4:20)

c. Bangsa Yahudi

Bangsa Yahudi merupakan penduduk dari perjanjian Abraham dengan Tuhan. Orang Yahudi terdiri daripada golongan-golongan yang berbeza-beza sikap terhadap Tuhan Yesus. Mereka yang tinggal di Yerusalem dan Yudea berbeza sikap dengan orang Yahudi yang tinggal di Kapernaum. Orang Yahudi di Kapernaum juga menurut hukum tetapi mereka tidak terlalu mementingkan hal-hal tradisional dibandingkan dengan mereka yang berada di Yerusalem dan Yudea. Tuhan Yesus mempunyai banyak pengikut daripada orang Yahudi di Kapernaum kerana mereka lebih terbuka dan pratikal.

Orang di Kapernaum menerima firman Tuhan kerana mereka mendapati ajaran Tuhan Yesus begitu menakjubkan dan berkuasa. (Lukas 4:31-32)



Renungan Peribadi

Bimbinglah para peserta berdiskusi tentang unsur-unsur kebudayaan, politik, agama atau bahasa yang boleh mempengaruhi perkembangan Kristianiti di tengah-tengah masyarakat anda. Sebaliknya, ancaman apakah yang anda perhatikan dan apa yang perlu dilakukan agar kita tetap boleh mempertahankan iman orang Kristian yang tinggal di dalam kebudayaan dan pengaruh politik tertentu.



Doa

Bersyukur atas pengetahuan yang diperoleh dalam pelajaran ini. Mintalah Tuhan agar mereka tidak akan menjadi seperti orang Farisi yang berpura-pura rohani tetapi penuh dengan kepalsuan dan kekakuan. Mintalah Tuhan kerelaan untuk mempercayai dan mengikuti Tuhan Yesus seperti nelayan dan penduduk di Kapernaum.

Sesi 3 : Dunia Politik Perjanjian Baru



Objektif-Objektif Sesi

1. Memahami dan menyelidiki tentang keadaan politik Perjanjian Baru.
2. Memahami apa yang terjadi pada 400 ratus tahun senyap.
3. Mengenali raja-raja yang terkenal pada waktu itu.



Pencetus Minat

Kehidupan dan pemerintahan Herodus Agung cukup mengerikan penduduk. Salah satu tindakan kejamnya tercatat dalam Perjanjian Baru ialah pembunuhan bayi berama-ramai di Betlehem. (Matius 2:1; Lukas 1:5) Keluarganya tetap mempengaruhi orang Yahudi pada masa itu: Herodus Agrippa I dan II adalah cucu-cucunya.

Anda boleh memberi ayat-ayat Alkitab kepada beberapa orang dan suruh mereka baca tentang raja-raja ini.

Pengajaran

1. Herodus Antipas (Lukas 3:1, 19, 20) — Dia memenjarakan Yohanes pembaptis kerana menegur dia dan isterinya.
2. Arkhelaius (Matius 2:22) — Jahat seperti bapanya; malaikat menasihati Yusuf untuk ke Galilea dan jangan kembali.
3. Herodus Filipus II (Lukas 3:1) — raja Galilea
4. Herodus Agrippa I (Kisah Para Rasul 12:1-23) — Dia menganiaya umat Kristian sewaktu gereja awal. Dia membunuh Yakobus dan memenjarakan Petrus.
5. Herodus Agrippa II (Kisah Para Rasul 25,26:28) — Mendengar belaan Rasul Paulus dan hampir percaya kepada Tuhan.



Aktiviti Bersama

1. 400 ratus tahun senyap bererti zaman antara Perjanjian Lama dan Perjanjian Baru. Pada zaman ini suara Tuhan tidak terdengar, tidak ada kitab yang tertulis, atau wahyu yang datang kepada nabi-nabi. Namun banyak hal mengenai zaman ini telah dicatatkan kalau kita ingin membuat pengkajian.
2. Iskandar Agung telah menakluk Persia dan kemudian orang Yahudi menjadi sebahagian di bawah pemerintahan orang Yunani.
3. Pemberontakan Makabean tercetus apabila Antiokus yang IV

menggantikan imam dengan adiknya Jason yang mula mencemarkan bait suci. Dewa Zeus diletakkan untuk penyembahan dan mereka yang membaca kitab Taurat akan dianiyai. Mattias memberontak dan gerakan Makabean bergerak dinamik untuk melawan pencemaran ini.

4. Orang Yahudi kemudian berada di bawah pemerintahan Rom.



Renungan Firman Tuhan

1. Herodus Agung tidak berniat menyembah Tuhan Yesus tetapi dia berniat membunuh bayi yang digelar Raja Yahudi.
2. Herodus Antipas telah memotong leher Yohanes Pembaptis.
3. Pontius Pilatus tidak bersikap adil kerana dia telah membebaskan penjahat dan menjatuhkan hukuman mati atas Tuhan Yesus telah diserahkan bukan kerana kesalahan-Nya tetapi dengki orang.
4. Tuhan telah menukarkan mereka daripada penjala ikan kepada penjala manusia.
5. Tuhan Yesus telah menggunakan sistem perbankan sederhana itu untuk menjelaskan pengampunan terhadap kesalahan orang lain.
6. Dia meminjam kuburnya kepada Tuhan Yesus.
7. Perhubungan yang mesra wujud di antara hamba dan tuan.



Renungan Peribadi

Bincang dengan para peserta tentang kesempatan penginjilan kepada pelbagai golongan manusia yang tinggal di Malaysia. Mereka boleh merupakan orang Malaysia mahupun orang asing. Contohnya golongan orang HIV yang tersingkir keluarga mahupun masyarakat. Bagaimanakah orang Kristian boleh menolong mereka?

Golongan-golongan lain:

1. Orang Indonesia
2. Pekerja Kambodia, Bangladesh
3. Penagih dadah
4. Orang miskin, dan sebagainya.



Doa

Akhiri sesi dengan doa untuk golongan tersebut.

Sesi 4 : Puncak Rancangan Allah: Injil



Objektif-Objektif Sesi

1. Memahami bahawa keempat-empat Injil menjelaskan kehidupan dan pelayanan Tuhan Yesus dari pendekatan dan pandangan berlainan.
2. Menelusuri dan membandingkan urutan penulis-penulis mencatat peristiwa-peristiwa pelayanan Tuhan Yesus.
3. Melihat sekilas pandang tema-tema keempat-empat Injil ini.



Penjelasan

Matius, Markus, dan Lukas dipanggil sebagai Injil Sinoptik kerana ketiga-tiga Injil ini memiliki pandangan yang sama. Markus merupakan Injil yang paling tua. Walaupun Injil Lukas dituliskan kepada temannya Teofilus tetapi dia juga tahu banyak orang akan membacanya. Walaupun penulis ini mempunyai cerita yang sama, mereka mempunyai gaya dan penekanan yang tertentu. Lukas telah mengumpulkan banyak cerita dan ajaran Tuhan Yesus dan beberapanya tidak terdapat dalam Injil. Contohnya orang Samaria yang baik.



Pencetus Minat

Walaupun para peserta boleh mencatat urutan-urutan peristiwa dari Alkitab, ini merupakan latihan yang baik untuk membanding dan melihat urutan-urutan keempat-empat Injil ini. Beri mereka kertas mahjong atau kadbod serta pensel berwarna. Setelah mereka menulis dan melukis, tempelkan keempat-empat Injil ini bersampingan untuk menunjukkan perbezaan dan kesamaannya.

Keempat-empat penulis ini melukiskan tentang kehidupan dan pelayanan Tuhan Yesus. Jelaskan bahawa urutannya ada persamaan dan perbezaan kerana mereka memandang dari sudut yang berlainan. Peristiwa tertentu diberikan perhatian oleh penulis tertentu dan yang lain memberi fokus kepada peristiwa lain. Semua Injil-Injil ini menyampaikan berita baik tentang Kristus Yesus: kasih-Nya terhadap manusia, ajaran-Nya, mukzijat-Nya dan kematian-Nya untuk dosa manusia serta kebangkitan-Nya. Semua Injil ini ditulis agar kita mengenal Tuhan dengan lebih baik.



Aktiviti Bersama

Matius	Markus	Lukas	Yohanes
(Raja)	(Hamba)	(Manusia yang sempurna)	(AnakAllah)*
Matius 1	Markus 1:25 Markus 4:1	Lukas 12:40	Yohanes 1

* Yohanes 1:1 – Allah (Yang Wujud Sebelum dilahirkan)

Jelaskan bahawa Markus banyak menekankan Tuhan Yesus sebagai Hamba Tuhan yang mementingkan pelayanan dan melayani dengan rendah hati. Lukas menekankan Tuhan Yesus sebagai anak manusia yang sempurna dan tidak pernah berdosa. Yohanes melihat Tuhan Yesus dari sudut keilahian-Nya. Matius melihat Tuhan Yesus sebagai Raja Yahudi daripada Sang Tunas Daud yang dijanjikan oleh nabi-nabi.



Renungan Firman Tuhan

A. Injil Matius

1. Matius ialah seorang pemugut cukai (9:9)
2. Matius berusaha membuktikan bahawa Tuhan Yesus bukanlah orang yang biasa tetapi Dia adalah Mesias yang dijanjikan dan nubuatkan selama ini dan dia berasal daripada keturunan Yahudi dan juga digelar Orang Nazeret. (Matius 1: 22-23; 8:16-17; 12:7-21)
3. Matius menulis kepada orang Yahudi dan oleh kerana itu, Dia sering menjelaskan adapt istiadat orang Yahudi dan juga hukum-hukum yang diperhatikan oleh mereka. (Matius 5:17; Matius 10:5-6)
4. Matius lebih memberi fokus kepada pengajaran, Pengajaran yang cukup terkenal itu dipanggil Khutbah di Bukit. (Matius 5:1-7:29)
5. Matius menjelaskan kedatangan Tuhan Yesus juga mendatangkan kerajaan syurga di atas bumi sementara Markus dan Lukas mengatakannya Kerajaan Allah. Kerajaan syurga itu sudah datang dan akan digenapi sepenuh-Nya dengan kedatangan-Nya yang

kedua kali. (Matius 3:2; Matius 4:17; 10:5-7)

B. Injil Markus

1. Markus adalah sepupunya Barnabas. Mereka berdua sering mengikut Rasul Paulus dalam perjalanan misinya. (Kolose 4:10)
2. Markus menekankan aspek kemanusiaan Kristus dan juga Tuhan Yesus yang datang melayani sebagai Hamba yang rendah hati dan menyerahkan nyawa-Nya untuk manusia. (Markus 10:45)
3. Markus lebih memusatkan perhatian pada aktiviti-aktiviti dan kegentingan berita Yesus daripada pengajaran. Jadi dia banyak memakaikan perkataan yang mewarnai babak aksi.
4. Markus banyak menekankan kuasa dan mukzijat Tuhan Yesus atas iblis, penyakit, mahupun alam. (Markus 1:25; 4:39)

C. Injil Lukas

1. Lukas ini seorang doktor daripada keturunan bukan Yahudi dan dia teman baik Rasul Paulus. (Kolose 4:14; Filemon 24; 2 Timotius 4:11)
2. Lukas sedang menulis kepada orang bukan Yahudi dan dia ingin mereka tahu bahawa Injil itu untuk orang Bukan Yahudi dan juga orang Yahudi.
3. Gembala itu berkata malaikat berkata kelahiran Tuhan Yesus membawa kesejahteraan kepada manusia. (Lukas 3:36-38)
4. Perkataan yang sering digunakannya ialah anak manusia dan Tuhan Yesus kaitkannya dengan Daniel 7:13 sebagai Mesias yang dinubuatkan oleh Daniel. (Lukas 12:40)

D. Injil Yohanes

1. Yohanes adalah murid kesayangan Yesus. Keakrabannya dengan Yesus memampukannya menjelaskan kepada kita bahawa Yesus adalah Anak Tuhan yang datang memberi kita kehidupan kekal. (21:20,24)
2. Yohanes menulis kitab supaya kita percaya Mesias, Anak Allah dan memperoleh kehidupan kekal melalui iman.(Yohanes 20:30-31)
3. Tuhan Yesus sudah wujud sebelum dunia ini diciptakan dan Dia adalah Tuhan. (Yohanes 1:1)
4. Dia sedang bekerja bersama dengan Bapa-Nya, Allah dan Dia akan mengerjakan segala menurut Bapa-Nya. Kalau mereka melihat Tuhan Yesus mereka juga melihat Bapa-Nya. (Yohanes 5: 16-18)



Renungan Peribadi

Belilah buku-buku kecil empat hukum rohani dari Campus Crusade for Christ atau menonton video Yesus dari Campus Crusade. Belajar bagaimana mengundang orang menerima Tuhan Yesus setelah menonton video ini. Berikan mereka tugas mengundang beberapa orang yang belum mengenal Kristian menonton video dan kemudian belajar mengundang mereka mengenal Kristus.



Doa

Berdiri dalam lingkaran. Setiap orang akan melontarkan sesuatu sifat yang indah tentang Tuhan Yesus dan memuji-Nya. Pembimbing akan menutup sesi doa ini dengan memuji pengorbanan Yesus di kayu salib demi dosa manusia dan berdoa agar setiap peserta diberikan beban untuk memberitakan Kristus Yesus kepada teman-teman mereka.

Sesi 5 : Kehidupan Gereja Awal



Objektif-Objektif Sesi

1. Memahami tentang kitab Kisah Para Rasul serta mengaji tentang kelahiran dan cara persekutuan gereja awal
2. Memahami perjalanan misi dan pelayanan Rasul Paulus
3. Mengenal misionari Paulus dan latar belakang kehidupannya
4. Memahami dan mengenali beberapa strategi yang digunakan oleh Paulus dalam penginjilan



Penjelasan Tentang Kisah Para Rasul

Kitab Para Rasul dituliskan oleh Lukas dan merupakan buku kedua setelah Injil Lukas. Dalam kitab Para Rasul, Lukas menceritakan bagaimana pekerjaan Tuhan Yesus dikembangkan melalui Roh Kudus, kedatangan Roh Kudus, bagaimana gereja awal didirikan, bagaimana murid-murid menyebarkan berita baik melalui kuasa Roh Kudus.

Roh Kudus turun pada hari Pentakosta dan memampukan murid-murid Yesus menyebarkan Berita Baik dari Yerusalem, Yudea hingga ke Samaria.

Kisah Para Rasul juga mencatat tentang tiga misi perjalanan Rasul Paulus dan peristiwa-peristiwa yang terjadi sewaktu dia menginjili.



Pencetus Minat

Bahagikan kumpulan anda menjadi tiga kelompok. Setiap kelompok akan mengambil satu perjalanan misi Paulus, berdiskusi, perhatikan tempat yang dia kunjungi, dan kemudian mereka akan memilih salah satu orang yang berpura-pura menjadi Paulus yang akan memberitahu apa yang terjadi dalam perjalanan misinya. Mereka tidak perlu membentangkan setiap peristiwa tetapi mereka boleh memilih yang mahu disampaikan dengan menarik.

Berilah peta pada waktu Rasul Paulus kepada setiap kumpulan dan biar mereka menetapkan tempat yang dikunjungi oleh Rasul Paulus. Mereka juga boleh melukis perjalanannya dalam kad bod untuk menunjukkan tempat yang dituju oleh Rasul Paulus.

1. Perjalanan Misi Rasul Paulus yang pertama (Kisah Para Rasul 13:1 -

28:31)

2. Perjalanan Misi Rasul Paulus yang kedua (Kisah Para Rasul 15:36-18:22)
3. Perjalanan Misi Rasul Paulus yang ketiga (Kisah Para Rasul 18:23-21:16)



Aktiviti Bersama

1. Tarsus
2. Raja Nero
3. Yunani
4. Gamaliel
5. Farisi
6. Pendiri khemah
7. Rom
8. Damsyik
9. Saulus



Penjelasan Tentang Rasul Paulus

Dia seorang Farisi yang telah bertemu dengan Tuhan Yesus yang bangkit dalam perjalanannya ke Damsyik. Dia menyebarkan Berita Baik di Turki dan Negara Yunani. Berita Baik tersebar dari Yerusalem ke bahagian lain Rom akibat pelayanan Rasul Paulus. Walaupun Rasul Paulus diutus secara khusus kepada orang Bukan Yahudi, hatinya juga untuk orang Yahudi. Dia selalu masuk ke sinagogue dan berkhotbah kepada mereka. Walaupun Paulus menghadapi banyak penganiayaan dan penderitaan, Tuhan banyak menolongnya. Dia mati syahid di bawah tangan Raja Nero.



Renungan Firman Tuhan

1. Mereka sedang menantikan Roh Kudus yang dijanjikan oleh Bapa di Yerusalem.(Kisah Para Rasul 1:4-5)
2. Roh Kudus memberi mereka kuasa untuk memberitakan Berita Baik dan menjadi saksi Tuhan Yesus ke Yerusalem, Samaria hingga ke ujung bumi. (Kisah Para Rasul 1:8)
3. Pada hari itu, Roh Kudus turun dan mengenapi apa yang dijanjikan oleh nabi Yoel dan juga Tuhan Yesus tentang penurunan Roh Kudus

di Yerusalem. Setelah murid-murid menerima Roh Kudus, mereka berani berkhotbah kepada beribu-ribu orang yang berada di sana serta melakukan tanda-tanda dan mukjizat. Mereka juga berkhotbah tentang Tuhan Yesus yang dijanjikan dan yang berasal daripada keturunan Daud. (Kisah Para Rasul 2:17-24; Kisah Para Rasul 2: 25-36)

4. Tiga aspek persekutuan gereja awal adalah:-
 - a. Mereka tekun dengan pengajaran Rasul Paulus
 - b. Mereka memecah roti dan berdoa
 - c. Mereka saling membagi berkat seperti mengkongsi kepunyaan mereka bersama-sama.
5. Apabila gereja bertambah, banyak pemimpin-pemimpin Yahudi dan para imam menjadi cemburu dan marah. Mereka merancang untuk menganiaya orang Kristian sehingga penganiayaan besar-besaran di kalangan orang Kristian terjadi. (Kisah Para Rasul 6:8-15)
6. Mereka membunuh salah seorang pengikut Tuhan Yesus yang bernama Stefanus. (Kisah Para Rasul 7:51-60)
7. Roh Kudus telah memberi Petrus satu penglihatan yang membuat dia sedar bahawa pemberian Tuhan untuk penyelamatan bukan hanya untuk orang Yahudi tetapi juga kepada orang bukan Yahudi. (Kisah Para Rasul 10:35,44-48)
8. Mereka yang tersebar ke Fenisia, Siprus dan Antiokhia namun menyebarkan Berita Baik di mana sahaja mereka pergi. (Kisah Para Rasul 11:19)
9. Jemaah di Antiokhia telah berdoa dan Roh Kudus telah mengutus Paulus dan Barnabas untuk penginjilan. (Kisah Para Rasul 13:1-4)



Renungan Peribadi

1. Timotius
2. Makedonia
3. Lydia
4. Dirasuk iblis
5. Penjaga penjara



Doa

Doa untuk satu organisasi misi dan penginjilan mereka di dunia, contohnya, World Outreach, OMF atau misionari gereja anda. Doakan keperluan mereka, kesepian mereka serta ladang penginjilan mereka agar Roh Kudus akan berkerja dalam hati mereka yang diinjili mereka.

Sesi 6: Surat-Surat Rasul Paulus



Objektif-Objektif Sesi

1. Untuk memahami tema-tema surat-surat Rasul Paulus
2. Untuk memahami beberapa masalah yang dihadapi oleh gereja-gereja awal
3. Untuk memahami salah satu surat Rasul Paulus secara sepintas



Pencetus Minat

Bagagikan kumpulan anda kepada beberapa kelompok. Letakkan ayat-ayat dari pelbagai surat Rasul Paulus dalam satu topi. Setiap kelompok akan diberikan peluang untuk mengambil satu ayat dari searik kertas. Mereka akan meneka dari Surat Rasul Paulus yang mana. Kelompok yang menang adalah kelompok yang mendapat jawapan tepat yang paling banyak.



Aktiviti Bersama

Berilah setiap kelompok tugas untuk merumuskan tema setiap surat Rasul Paulus dan kemudian bentangkan jawapannya dan berbincang.

1. **Galatia** : Paulus mengingatkan jemaah Galatia bahawa tidak ada orang dapat diselamatkan oleh hukum tetapi oleh iman dalam Yesus yang mati di kayu, dan semua orang boleh menjadi anak Tuhan tanpa mengira bangsa, umur atau jantina mereka. Mereka perlu hidup dalam Roh Kudus dan tidak lagi menurut nafsu mereka.
2. **1 Tesalonika** : Kehidupan umat Tuhan menurut kehendak Tuhan sewaktu mengalami ujian dan penderitaan serta untuk rajin menjalankan tugas seharian mereka.
3. **2 Tesalonika** : Penjelasan tentang masa yang akan mendatang dan bagaimana mereka harus hidup untuk Hari Tuhan yang menjelang.
4. **1 Korintus** : Kesatuan gereja dan usaha untuk menjauhkan yang boleh menyebabkan mereka berporak-poranda. Selain itu, mereka mesti hidup suci, menjauhkan pencabulan dan saling kasih mengasihi.
5. **2 Korintus** : Guru-guru palsu telah menimbulkan sikap yang negatif terhadap Rasul Paulus. Paulus mempertahankan pelayanannya dan menjelaskan kewibawaan kerasulannya. Paulus menjelaskan kejujuran dan keikhlasannya dalam pelayanan untuk Kristus Yesus.

6. **Roma** : Semua manusia memerlukan penyelamatan tanpa mengira sama ada mereka adalah orang Yahudi atau orang Bukan Yahudi. Penyelamatan harus berdasarkan iman dan bukan pekerjaan baik. Orang Kristian digalakkan untuk memberi tubuh sebagai persembahan kepada Tuhan.
7. **Efesus** : Paulus menyampaikan kemuliaan dan kekayaan dalam Kristus serta kenyataan bahawa kita diselamatkan oleh anugerah Tuhan dan bukan pekerjaan sendiri. Mereka harus hidup berkenan kepada Tuhan.
8. **Kolose** : Paulus menjelaskan apa yang dilakukan oleh Tuhan Yesus untuk mereka kerana banyak guru-guru palsu telah menyerang gereja. Paulus meyakinkan mereka sudah cukup dalam Kristus dan Dia telah menyempurnakan karya penyelamatan.
9. **Filemon** : Paulus menlis surat ini untuk meminta Filemon menerima hambanya Onesimus dan mengampuni kesalahannya serta menerimanya sebagai saudara seiman.
10. **Filipi** : Surat ini diwarnai oleh sukacita dan ucapan syukur atas kebaikan gereja terhadap dirinya sewaktu dia berada di penjara. Surat ini mempunyai doktrin yang penting tentang kerendahan hati Kristus dan bagaimana mereka harus bersikap sedemikian.
11. **1 Timotius** : Paulus menulis untuk menjelaskan pengurusan dan organisasi gereja. Paulus mengajar mereka untuk mengurus ibadah umum, kepemimpinan, pelbagai golongan seperti janda, tua-tua, hamba, guru palsu. Cara hidup saleh juga ditegaskan oleh Rasul Paulus.
12. **Titus** : Paulus menjelaskan pengurusan dan pelayanan di gereja serta menjalani kehidupan yang saleh sebelum kedatangan Tuhan Yesus.
13. **2 Timotius** : Paulus mendorong Timotius memberitakan firman Tuhan kepada mereka yang setia supaya mereka meneruskan baton kepada yang lain. Mereka harus terus melayani sebagai bejana yang mulia dan setia hingga garis yang terakhir.



Renungan Firman Tuhan

1. Mereka yang menolak firman Tuhan akan merosot secara rohani dan moral. Kelak, mereka akan menerima penghukuman Tuhan dan tidak mampu menyelamatkan diri. (Roma 1:18)
2. Mereka dianggap lebih bersalah kerana mereka lebih banyak mengetahui kebenaran Tuhan dan tahap nilai yang diharapkan oleh Tuhan. Selain itu mereka tahu apa itu salah dan benar. (Roma 2:17-

- 24)
3. Kesimpulan Paulus ialah semua orang berdosa dan tidak mampu menyelamatkan diri. (Roma 3:9-20)
 4. Penyelamatan datang daripada pembenaran oleh Tuhan dan iman pada Kristus Yesus yang menebus dosa. Usaha sendiri tidak dapat menyelamatkan kita. (Roma 3:21-22; 3:27-28)
 5. Adam yang pertama jatuh ke dalam dosa dan membawa manusia ke dalam dosa dan penghukuman Tuhan. Kristus pula menebus dosa dan membebaskan kita daripada penghukuman dosa. Adam membawa kuasa maut tetapi Yesus membawa kemenangan atas maut. (Roma 5:12-21)
 6. Kita tidak perlu menjadi hamba dosa kerana manusia lama kita sudah disalibkan dan tidak lagi berkuasa di atas diri kita. (Roma 6:6)
 7. Paulus ingin orang Kristian memberi mereka yang seutuh dan seluruhnya kepada Tuhan kerana Tuhan sudah memberi diri-Nya kepada kita. Kita tidak lagi menurut fikiran dan sistem fikiran dunia tetapi fikiran kita akan ditransformasi oleh Tuhan. (Roma 12:1-2)



Renungan Peribadi

Berilah para peserta kebebasan memilih mana-mana sahaja dari firman Tuhan dalam surat-surat Rasul Paulus. Berilah mereka beberapa minit untuk merenungi lalu berkongsi dengan semua orang.



Doa

Biarlah para peserta berdoa daripada perenggan yang dipilih mereka sewaktu mereka merenungi surat-surat Paulus. Mereka boleh berpasangan dan berdoa bersama.

Sesi 7: Surat-Surat Umum



Objektif-Objektif Sesi

1. Untuk memahami tema-tema surat umum dan kebergunaannya kepada gereja
2. Untuk mengkaji salah satu surat umum dan memahami cara menerapkannya
3. Untuk menerapkan sebahagian surat umum dalam kehidupan rohani mereka



Aktiviti Bersama

1. Yakobus menulis kepada jemaah yang menghadapi penderitaan dan mengajar mereka untuk hidup bersesuaian dengan iman mereka. (Yakobus 1:2; 2:14)
2. Penulis Ibrani memberi fokus kepada keunggulan Kristus Yesus; Dialah Raja-Imam yang tertinggi (1:1-2) dan pewahyu segala kebenaran Tuhan (1:3-4) dan Dialah yang mengenyapi Perjanjian Daud (Ibrani 1:5-8). Dia lebih tinggi daripada semua malaikat, nabi, imam, Musa.
3. Penulis surat Petrus ingin mengingatkan pembaca-pembacanya tentang warisan kekal mereka walaupun mereka menghadapi penderitaan sekarang dan tujuan penderitaan serta sikap sewaktu menghadapi penganiayaan dengan mengingat akan teladan Yesus. (1 Petrus 1:4-5-7; 1 Petrus 2:11-21).
4. Petrus menasihati jemaah agar mereka lebih berpengetahuan untuk mendewasa dalam Kristus dan untuk menjauhi kesalahan doktrin yang diajari oleh guru-guru palsu. (2 Petrus 3:1; 17-18).
5. Yudas menulis untuk memberi amaran bahawa ada guru palsu yang menyelinap dan penghukuman atas kemurtadan. (Yudas 3-4, 20).
6. Persekutuan dengan Allah dapat dialami dengan ketaatan kepada Tuhan dan selalu mengaku dosa serta dengan mengasihi sesama. (1 Yohanes 1:5-2:17)
7. Setiap orang harus tinggal dalam ajaran firman Tuhan dan dalam kebenaran serta menentang sesiapa yang membawa ajaran yang tidak benar. (2 Yohanes 9)
8. Jemaah diajari agar meniru yang baik dan bukan yang jahat. (3 Yohanes 11)



Renungan Firman Tuhan

1. Tuhan Yesus dianggap lebih tinggi dari yang segala kerana Dia adalah Anak Allah, Pencipta dan memiliki segala kemuliaan Allah dan gambar wujud Allah. Setelah Dia menyucikan dosa manusia, Dia duduk di sebelah kanan Maha Besar. (Ibrani 1:1-4)
2. Tuhan Yesus adalah Anak Allah yang duduk di takhta, Dia yang meletakkan dasar bumi ini dan Dia yang kelak akan menakluk semua musuh di bawah kaki-Nya (Ibrani 1:5-9).
3. Mereka tidak boleh mengikut teladan nenek moyang yang tidak dapat masuk ke dalam perhentian kerana mereka tegar hati dan sesat hati. (Ibrani 3:7-11)
4. Tuhan Yesus hanya perlu masuk tempat kudus untuk membawa penebusan dosa sekali untuk selama-lamanya dibandingkan dengan pengorbanan domba yang harus diulangi berkali-kali. Darah domba hanya menyucikan secara lahiriah tetapi darah Anak Allah akan menyucikan hati nurani kita. (Ibrani 9:12-14)
5. Kita harus saling bertemu dengan orang yang seiman untuk saling menasihati dan mendorong sesama kita untuk lebih giat. (Ibrani 10: 24-25)
6. Di tengah-tengah kesulitan, Tuhan Yesus telah menderita dan menanggung kehinaan kayu salib tanpa berasa malu atau putus asa. (Ibrani 12:1-4)



Renungan Peribadi

Dorongkan para peserta berfikir tentang lima hal yang boleh dilakukan dalam kehidupan mereka berdasarkan iman.



Doa

Kumpulkan dalam pasangan dan berdoa tentang apa yang ingin anda lakukan dengan iman anda. Ceritakan segala yang anda ingin buat untuk Tuhan dan memohon agar Tuhan memberi anda iman untuk menunaikan impian anda.

Sesi 8: Maranatha!**Objektif-Objektif Sesi**

1. Memahami tema-tema dalam Kitab Wahyu.
2. Memahami lambang dan imej-imej dalam Kitab Wahyu.
3. Memahami bahawa Tuhan Yesus akan memerintah dan menang atas segalanya.

**Pencetus Minat**

Berikan setiap kelompok satu kertas lukis. Dalam beberapa minit mereka mesti melakar tentang kedatangan Tuhan Yesus yang kedua kali dan peristiwa-peristiwa yang akan terjadi. Setelah mereka membenteng lukisan dan konsepnya, anda boleh memberi penjelasan di bawah.

Jelaskan bahawa kitab Wahyu memang dituliskan dengan banyak lambang dan imej-imej namun kita tidak boleh mentafsirnya dengan harafiah dan merumuskan hari dan tanggal kedatangan Kristus. Contohnya nombor tujuh telah digunakan untuk melambangkan kesempurnaan, dan naga untuk melambangkan iblis yang dapat difahami orang Yahudi tetapi bukan pemerintah Rom. Di tengah-tengah penganiayaan, Yohanes telah menulis untuk menghibur umat Tuhan namun Kitab Wahyu juga memuat peristiwa-peristiwa akhir zaman seperti penghakiman, dunia dan syurga baru.

**Aktiviti Bersama****Penghakiman Tujuh Meterai**

4. Maut
5. Mati syahid

Pembukaan Tujuh Trompet

2. Lautan dihukum
3. Air segar dihukum
4. Bulan menjadi malap

Pembukaan Tujuh Cawan

1. Timbul bisul yang merbahaya

6. Penyerangan dari Timur
7. Gempa bumi yang paling besar



Renungan Firman Tuhan

Bahagian A

1. Kitab ini dituliskan oleh murid yang paling akrab dengannya, Yohanes sewaktu dia berada dalam pembuangan di pulau Patmos. Dia kemungkinan besar dalam pembuangan kerana kepercayaannya. (Wahyu 1:9)
2. Wahyu telah ditulis pada waktu umat Kristian menghadapi penganiayaan yang besar. Sesetengah Kristian dilemparkan dalam penjara, ada yang dibunuh dan yang lain seperti Yohanes dianiaya. Wahyu dituliskan dalam banyak simbol yang boleh difahami oleh orang Kristian tetapi tidak dapat difahami pemerintah. (Wahyu 2: 10-11,13)
3. Tujuan penulisan kitab Wahyu adalah untuk menggalakkan pembacanya untuk berdiri teguh dan tidak membiarkan sesiapa pun yang mengambil mahkota mereka. Selain itu, mereka harus menang serta memandang jauh ke Yerusalem yang baru. (Wahyu 3:11-12)
4. Kristus yang dilihat oleh Yohanes adalah Kristus yang dipermuliakan dan penjelasannya mempunyai persamaan dengan Perjanjian Lama. Rambut-Nya yang putih menekankan kebijaksanaan-Nya dan kekekalan-Nya (Daniel 7:9), dan suara-Nya seperti air terjun untuk melambangkan kebesaran dan kekuasaan-Nya. (Yehezkiel 43:2)
5. Mereka yang dianiaya harus mengetahui bahawa Allah masih menguasai dan pada suatu hari semua makhluk akan menyembah-Nya dan yang jahat akan dilemparkan ke dalam api penghukuman. Yang menang ialah Yesus Kristus dan bukan iblis dan bala tenteranya. Masa depan yang mulia menantikan mereka yang berpegang teguh dan setia hingga akhirnya. (Wahyu 5:13, Wahyu 20:10; 22:11-13).

Bahagian B

1. **Gereja Efesus** dipuji kerana mereka berpegang teguh kepada kebenaran dan tidak berkompromi dalam doktrin dan moral. Namun, mereka telah meninggalkan cinta pertama terhadap Tuhan.
2. **Gereja Smirna** telah bertahan dan berdiri teguh sewaktu menderita. Mereka digalakkan untuk tidak takut dan terus dalam kesetiaan. Mereka tidak akan mengalami kematian yang kedua.
3. **Gereja Pergamus** sangat setia walaupun berada dalam suasana

yang ganas. Namun mereka mesti bertaubat kerana berkompromi dalam moral.

4. **Gereja Tiatira** - Gereja ini rajin, mempunyai kasih dan iman tetapi mereka bertoleransi dengan Jezebel yang mengajar doktrin salah dan tidak bermoral.
5. **Gereja Sardis** - Gereja ini dikenali sebagai gereja yang hidup tetapi sebenarnya secara rohani ia sudah mati. Mereka diperingatkan untuk bangun dan mengingat kebenaran Tuhan.
6. **Gereja Filadelfia** - setia kepada Kristus dan tidak berpaling dari iman. Mereka dijanjikan kemenangan atas musuh dan pembebasan dari penganiayaan.
7. **Gereja Laodikia** - Gereja ini mementingkan diri, digiur/goda oleh kekayaan kebendaan.



Renungan Peribadi

Galakkan setiap peserta membayangkan diri mereka gereja dan kalau Tuhan menulis kepada mereka apakah evaluasi Tuhan dan penjelasan Tuhan tentang mereka. Contohnya...rajin membaca Alkitab dan berdoa tetapi berkompromi dengan guru-guru ajaran sesat dan sebagainya.



Doa

Berdiri dalam lingkaran dan berdoa untuk setiap orang yang hadir agar Tuhan menolong mereka untuk selalu hidup berkenan kepada Tuhan. Berdoa agar mereka selalu bersiap sedia untuk kedatangan-Nya yang kedua kali.

Dapatkan kesemua 25 buah buku dalam siri **OBOR BELIA** dari kami!



Hubungi kami di wawasan.penabur@gmail.com atau layari laman web kami di www.wawasanpenabur.org

OBOR BELIA

Siri buku OBOR Belia yang diterbitkan oleh Wawasan Penabur Sdn. Bhd. ini mengandungi tema-tema utama iman Kristian dan isu-isu praktikal yang dihadapi oleh pemuda-pemudi zaman sekarang. Sebanyak 25 buku dalam Siri OBOR Belia yang merangkumi kurikulum 5 tahun telah dirancang untuk kegunaan pemuridan dan persekutuan belia.

Ada empat kategori utama untuk siri OBOR ini: *Asas-asas Iman, Kehidupan dalam Kristus, Isu-Isu Praktikal* dan *Cara Menghadapi Kepercayaan-Kepercayaan Lain*. Semua pelajaran telah ditulis dengan lengkap dan sistematik, mengandungi ajaran Alkitab yang kukuh, bersifat interaktif dan sedia digunakan oleh para pembimbing dan belia.

Buku yang kedua belas, **"Tinjauan Perjanjian Baru"** menolong para belia memahami tema dan penekanan kitab-kitab Perjanjian Baru. Ia juga memperbolehkan kita melihat kesinambungan seluruh Perjanjian Baru dalam satu gambaran yang besar. Sebagai lanjutan daripada Perjanjian Lama, Perjanjian Baru merupakan puncak daripada wahyu Allah kepada manusia. Nabi-nabi dalam Perjanjian Lama sudah lama menubuatkan kedatangan seorang Mesias dan dalam Perjanjian Baru, kita melihat Allah menggenapi rancangan-Nya. Bagaimana Tuhan menjadi manusia dan tinggal di kalangan umat Tuhan serta pertumbuhan gereja awal sehinggalah kedatangan-Nya buat kali yang kedua. Kita juga berkesempatan untuk meneliti siapa diri Paulus dan pendekatannya dalam penginjilan.



"Didiklah orang muda menurut jalan yang patut baginya, maka pada masa tuanya pun ia tidak akan menyimpang dari pada jalan itu" (Amsal 22:6).

"Pendekatan buku ini sungguh segar. Aktivitinya yang kreatif dapat menawan minat belia. Kurikulum OBOR Belia yang ditulis menurut konteks kebudayaan Malaysia serta memberi penekanan praktikal sungguh berguna bagi pertumbuhan belia. Saya yakin bahawa kurikulum ini akan menolong mereka untuk berdiri teguh dalam iman, dan membimbing mereka untuk menyumbang terhadap pembangunan masyarakat yang bermoral, bersifat penyayang dan berperihatin."

Rev. Danil Raut, Presiden Sidang Injil Borneo (SIB) Semenanjung

"Masa depan gereja di Malaysia sangat bergantung kepada bagaimana kita mempersiapkan dan memuridkan generasi muda kita hari ini. Mereka adalah aset gereja yang sangat berharga dan merupakan calon pemimpin dalam pelayanan gereja pada masa akan datang. Kita memerlukan bahan pemuridan yang sistematik, menyeluruh dan menekankan pengajaran Firman Tuhan untuk melahirkan satu generasi yang kuat dan berdaya saing dalam dunia yang sangat mencabar ini. Saya ingin mendorong gereja-gereja berbahasa Malaysia dan Orang Asli (OA) menggunakan OBOR Belia ini untuk tujuan memperdalamkan pemahaman Alkitab dan pembentukan supaya mereka boleh bertumbuh sebagai pengikut Kristus. Siri buku ini akan membantu melahirkan generasi muda orang Kristian yang mantap di Malaysia."

Alfred R. Tais, Setiausaha Eksekutif Komisi Bahasa Malaysia,
National Evangelical Christian Fellowship (NECF)

Harga: RM 6.00